



吳越備史

印

吳越備史卷第一



非常

武勝軍節度使掌書記范垌 武勝軍節度巡官林禹撰

武肅王

武肅王姓錢氏諱鏐字具美杭州安國縣人

即臨安縣也

唐武德中陪葬功臣潭州大都督巢國公九隴八代

孫也大中六年壬申二月十有六日生於本縣之衣

錦鄉勳貴里曾祖諱沛唐宣州旌德縣令累贈吏部

尚書左僕射追封洪勝王曾祖妣童氏追封齊國太

夫人祖諱宙累贈太尉追封建初王祖妣水丘氏累

封楚國太夫人追封晉國九華太夫人皇考諱寬威

勝軍節度推官職方郎中守太府少卿累贈禮部尚書開府儀同三司守太師中書令追封英獻王皇妣水丘氏累封秦國太夫人追封趙國太玄太夫人王即長子也先是五年邑中大旱邑令命道士東方生起龍以祈雨生曰茅山前池中有龍然不可起起必大異邑令乃止明年復旱又召東方生起龍將臨池遽指王所居曰池龍已生此家矣時王已誕數日始誕之夕皇考方他適鄰人急走告曰適過君家後舍聞甲馬之聲甚衆非有盜乎皇考乃馳歸王已誕矣復有紅光滿室皇考頗恠之將棄於井祖妣知非常

人固不許因小字曰婆留而井亦以名焉王自幼常與群兒聚戲於樹陰石上或伐薪必使群兒聚以供已隨多少而賞罰焉王嘗憇後山忽一石屹然自立王因志之及貴建功臣精舍於其地遂以石為佛坐樹號衣錦將軍十三年冬十月皇祖太尉薨將葬之夕大風拔樹于野詰旦術者引靈輜將就葬所謂王考曰此拔樹之穴是天啓也宜以葬遂窆之畢術者撫王曰當貴此孫耳王常遊徑山書院有道人洪湮者每迎於門王頗惡之一日自後山避徑而往湮亦迎焉王問其故湮曰君非常人故預知耳

乙乾符二年夏四月浙西鎮遏使王郢作亂勅本道
徵兵討之時董昌戍石鏡鎮亦募鄉里之衆以副召
王王遂委質於董氏始為偏將王入軍中驍勇絕倫
為董氏所重時五年二及董為杭州一日因事遣王
之臨安途餘杭有瞽者善摸骨相集於龍光橋在餘杭縣
王因請相竟無一言王一日自臨安而還日已暮矣
相者復在舊所王遂贖金以為請相相者曰旁無人
乎王曰獨在斯相者乃引臂久之嘆曰天下亂矣暮
時之內再遇貴人言訖而去旬日後王復以束帛至
餘杭將酬之訪於鄉閭竟絕蹤跡

戊五年寇盜蜂起有朱直管曹師雄王知新等各聚
黨數千剽掠於宣歙間秋九月王率本鎮兵討平之
以功聞授石鏡鎮衙內都知兵馬使遷鎮海軍右職
己六年秋七月黃巢擁衆二十萬大掠州縣淮南節
度使高駢羽檄徵兵討之時巢三百餘衆將及石鏡
鎮王謂董氏曰黃巢以數萬之衆踰越山谷旗鼓相
遠首尾不應宜以伏兵襲之賊或少却則可逐矣巢
前軍二千餘衆果崎嶇而至王率二十騎伏於草莽
巢小將單騎先進王親注弩射之應弦而斃伏兵遂
起巢兵大潰王謂衆曰此術止可一舉耳大軍必至

則衆寡莫敵矣宜乘勝張虛聲以懾之乃進也八百

里古地名也途次逆旅遇一老嫗而誠之曰後有兵至當

言臨安兵屯八百里未幾巢兵果至具如所對賊衆

相顧曰向止數騎尚不可當况八百里乎遂不犯境

王又伺其後軍殺獲人馬而還歸功董氏淮南高駢

聞而偉之

庚廣明元年冬十二月黃巢犯闕僖宗入興元杭州

始建八都臨安縣曰董昌王副之餘杭縣曰陳晟於

杜稜唐山縣曰饒京富春縣曰徐及新登縣曰

董氏赴廣陵王亦從焉時駢熟視王顧左右曰此人

他日爵祿必遠過於我時駢將大舉討巢命董氏從

行王謂董曰竊窺高公無討賊之志苟從其行功效

不立是同坐罪宜以捍衛鄉里為辭董然之告於駢

駢因以禮而歸焉是月黃巢自稱大齊皇帝

辛丑二年春正月僖宗幸蜀改元中和勅高駢為東西

行營都統起帥討巢駢竟不出兵秋八月己丑夜星

大如杯椀交流如織至丁酉乃止西晉之末五星互

幾五胡之亂驗矣九月詔授董昌杭州刺史授王都知兵馬

使太子賓客

壬寅中和二年秋七月浙東觀察使彭漢宏姓犯王諱

以天子西幸乃遣弟漢宥馬軍都虞候辛約率兵二萬營于西陵將圖浙西既燒魚浦劫富春兵勢甚盛董氏遣王率師禦之是月十二夜將渡江而星月皎然兵不可渡王親掬江沙吞而祝曰吾以義兵討賊天將見助願陰雲蔽月以濟我師俄而雲霧四起咫尺晦暝王大喜即先渡江竊賊號縱火砍其營精兵繼至破賊殆盡漢宥辛約走之擁入溝塹士卒大半溺死屍骸相枕冬十月漢宏又率衢婺等四州兵七萬餘人遣登高鎮將王鎮領之營于江干連營相屬王率儒童鎮將徐靖浙江都遊奕使阮結銜枚宵濟復大破之王鎮奔諸暨王獲漢宏所署主將憲官偽勅二百餘道俘馘萬計兵甲生口稱是歸漢宏所掠民間妻女子鄉里者數百人是月詔王兼侍御史

癸卯三年春三月漢宏又分兵於黃嶺岩下貞女等三鎮及山洞凡九十三所皆千餘人以圖大舉王率八都兵自富陽以趨之破黃嶺岩下及山洞三十餘所生擒貞女鎮將陽元宗岩下鎮將史弁等仍焚其甲夏四月漢宏自領兵屯諸暨古剝嶺至于亭山龜山之下王先攻諸暨獲糧二萬餘斛旋破古剝嶺亭山等寨賊皆宵遁五月漢宏又遣將何肅黃珪等率

本道排門軍營于蕭山諸暨等處王親禦之破賊一
萬餘人生擒都虞候章公直餘黨走之冬十月漢宏
又遣弟漢容與辛約巴立李萬敵等會溫處等州兵
泊白丁十餘萬衆從蕭山西陵大出戰船以謀宵濟
王自新沙由漁浦而攻之戮何肅等遂趨蕭山是月
戊午王親與漢宏遇自午至戌破賊大衆漢宏易服
持膾刀而遁時軍中有異其狀者將擒之漢宏誑曰
我宰夫耳遂伏于亂屍之內得免次日漢宏復舉餘
黨四萬人來抗我師乘勝大敗之斬漢容辛約及招
討判官譚昇都知兵馬巴立先鋒李萬敵仍獲漢宏

偽淮海招討使印一鈕戰艦五百艘馬四千蹄兵甲
萬計俘馘千人漢宏宵遁歸越

甲辰四年春二月婺州王鎮執刺史黃碣請降於王漢
宏聞之使其下婁賚殺鎮而代之夏四月浦陽鎮將
蔣環會我師攻婺州生擒婁賚而還未幾敕命中使
焦居燔爲杭越通和使俾其改過王遂班師以待之
漢宏因殺王人密徵水師於溫州刺史朱褒出戰船
習於望海以史惠施堅實韓公汶領之復圖水陸並
進秋七月敕授王國子祭酒兼御史大夫右千牛衛
將軍冬十二月朔天子南郊改元光啟

乙光啓元年春正月僖宗發蜀三月至京師冬十月
授王檢校散騎常侍右武衛將軍十二月監軍使田
令孜進逼帝如鳳翔

丙二年春正月田令孜劫駕如寶鷄二月復興元冬
十月大將朱玫立襄王為帝朱玫潛立煜為帝以是
正其叛逆之罪也

月一日王謂董氏曰除惡務去根本不爾當為後患
願以全師討之董曰然王即日進師以諸都兵馬使
阮結守梅市監陣使錢爽守雙童過後使駱團守平
水降將使章可周唐晟王公備等守蘭頭江海遊奕
使崔則守羊石是月辛亥王親率師自諸暨趨平水

導山路至于曹娥埭癸丑破韓公汶因與朱褒遇水

師戰船皆焚而溺之甲寅進屯豐山梅城鎮將施堅

實執漢宏右直將張師及歸于王丙辰進拔越城漢

宏走台州辛酉戮漢宏妻母弟姪及其黨史惠史侃

都虞候蔡約於軍門十二月丙午台州刺史杜雄執

送漢宏至命斬于會稽市漢宏斥刑者曰吾廉察也

非汝輩可殺吾嘗夢手捧金錢殺吾者錢公也乃請

王親刃焉漢宏兗州使院之小吏也尋為大將領本
州兵以禦黃巢寇遂殺將首劫輜重而叛

詔忠武軍討之不利復命前濠州刺史崔錯招携之
宏遂降授宿州刺史會浙東觀察使柳瑫以賄免朝

官皆耻代之議者以漢宏降將也以降將代賄吏宜
矣乃除之既有七州之地而復萌逆節常會客酒酣

謂衆曰天下喪亂金刀之讖烏知非僕遂撫掌大笑復又會于使院有羣鴉噪庭樹上因使伐木有座者言此樹有年矣鴉巢乃常耳願勿為恠宏曰我將斬白蛇豈止此樹耶遂伐之又嘗構別第窮極雄壯一日有飛帛書署其門曰漢宏是賊豈宜造此大宅宅之中堂懸一錦傘守衛甚謹即夕失之入皆以爲任使所獲及舉兵至西陵將謀渡江乃禱於江干俄有二矢墜其前莫知其所來宏頗惡之既敗棄其母挾妻而奔焉就執之日董庶人讓之宏曰成即是敗即非自古何有不敗之家不亡之國然則僕射亦有名將良策宏無之以至既而儒童鎮將徐靖以俘掠居於此何必太讓哉

人戮之于市北關鎮將彭孟安姓犯王諱與弟孟宿

輒起府庫散其本部仍執廉使牌印王因饗於擊場

遂責之孟安即席謀王立斬以徇時孟宿部兵屯于

外王親撫之悉有其衆越人及諸將皆推王為主王

固讓董氏董遂權蒞于越杭人復請王代董氏時浙

西節度使周寶承制以王權知杭州軍州事兼杭州

管內都指揮使是月赴本郡錄其事以聞詔授王檢

校尚書

丁三年春正月帝在興元勅授王杭越管內都指揮

使上武衛大將軍克杭州刺史董昌為越州觀察使

凡國王自陪臣以下所授官爵自貞明戊寅以前制用詔勅皆自間道而至至戊寅以後南康貢路阻絕則皆航海而至皆出其迎授徐審三月潤州客司軍將

德本日而書之他皆倣此彭浩姓犯王諱逐節度使周寶出於昆陵推度支催

勘使薛朗為主仍火其城是月帝至鳳翔夏四月六

合鎮使徐約攻陷蘇州淮南高駢為其下畢施鐸所
幽乃召宣州觀察使秦彥為主五月王命東安都將
杜稜浙江都將阮結靖江都將成吉率兵討薛朗初
州山賊朱直為亂遂募八縣鄰兵以討之因為八都
臨安董昌首之今東安浙江靖江皆其數也其諸都
地名並見於前六月師次陽羨與賊將李君旺遇大
破之獲船八百餘艘秋九月秦彥殺高駢駢擁兵叛
人自取亡滅秦彥與畢施鐸出師屢敗駢黨內應
遂殺之高駢之事豈非佛氏所謂輪迴果報者乎易
曰積善之家必有余慶積不善之家必有余殃曾子
曰出乎爾者反乎爾者也若高駢所得猶未足以償
數千人之怨纔足以見是月詔加王檢校戶部尚書
天道好還之不差忒耳

至日王師次禹城斬賊將丁重德屬將趙君度走之

遂進攻常州丁從實棄城宵遁從實浙西小將也有
是郡郡人以為暴虐號為此丁滅門及是奔于海陵
鎮鎮使高霸及楊行密同入海赴高駢之難從實竟
為行密之所害也十月周寶遂歸于王王以屬郡禮具橐鞬

迎之於郊仍舍于樟亭驛是日廬州刺史楊行密始

入淮南十一月十二日文穆王生十二月命杜稜為

常州制置使遣阮結等進攻潤州是月己未周寶卒

寶字尚珪曾祖侍選唐滄州魯城令幽薊之亂魯城

以於平廬軍為衙門將每行陣獲攻魯城者必殺之

以祭父懷義以武藝為韓臯所重累官至工部尚

書天德軍使寶即第三子也以父蔭為千牛備身尋
去求職依天平軍帥武宗三年徵方鎮有戎政本軍
宿衛寶因隸在神策軍出為良源鎮將有戎政本軍
表聞授右廂都押衙馬步軍知軍事大將軍出涇州

聚糧二十餘萬斛黃巢之亂移鎮海軍節度使僖宗
幸蜀加授右僕射檢校司空中復長安以寶為天章事
時朝廷以丞相王鐸率諸道兵授特進檢校太保兼
租庸副使兼管內營田使五年授特進檢校太保兼
侍中進封本郡王至是以疾薨年七十有四子與嗣比
唐制武選以馬郡王擊毬為鐵鉤所摘一置鐵鉤于毬
以相擊復擊毬此選頭等授涇源勅賜二木睛以代
而吞之復擊毬遂獲頭等授涇源勅賜二木睛以代
之一木睛不知何木睛之亦明置水中無所礙真睛矣
瞎漢何足笑也遂殺之潤州衙軍以軍額號鎮海軍
蓋宿舊也寶復置親信號決勝軍處之額號鎮海軍
與總之眾號為後樓軍其衣糧賜數倍於鎮海軍士
卒頗有怨望因恣橫於外一日會糧于後樓即席有
言其事者則殺之而薛朗與鎮海將客浩友善遂以
寶意示之且遂其職下浩聞之憤曰可以免禍者不
過反耳是夕遂鎮海軍而叛乃推朗為主寶聞亂
率家屬跣機拓芙蓉門召後樓軍曰後樓軍兒即能
救我乎後樓聞之亦同叛焉寶遂奔高駘與寶夾江
為鎮頗有嫌隙及奔駘遺書曰竊承走馬以及奔牛

又遣送黃蘂一瓶葛粉十斤以表蘂粉之意寶在涇
源至于金陵多會賓客歡宴終日然後庭樂妓百餘人
水陸肴膳日極豐美以撫養欠均以致
叛亂得罪驕奢蠹其福祿而使其然乎
戊申文德元年春正月孫儒殺秦彥畢施鐸彦等因高
駘遂亂殺駘并殺駘子弟甥姪有一婦人臨刑戰手
大罵曰我必訴于上帝使汝等後日舉家殺戮一如
我今日至是果是月駕在鳳翔丙寅我師克潤州生
擒薛朗而還王命剖心以祭周寶城浩走之王命阮
結為制置使又命築嘉興縣城二月駕還長安大赦
改元文德三月朔日有蝕之僖宗疾革命立壽王為
太弟帝崩太弟即位是為昭宗詔加王檢校司空夏
四月孫儒入淮南陷揚州揚行密奔海陵復歸廬州

秋九月王命從弟鉢率兵討徐約於蘇州盡驅州人

以守城皆文其面曰願戰南都有軍事衙推陳車

二名上字犯謂人曰南都者蓋都邑之稱杭州終當

建國乎冬十一月楊行密攻殺宣州刺史趙銓而有

其地

巳龍紀元年春正月朔改元三月我師破徐約於蘇

州約奔入海中箭而死約曹州人初從黃巢攻天長

周寶子壻楊茂實為蘇州刺史約攻破之遂有王命

其地而制度不軌劫王貢賦至是而滅宜哉

海昌都將沈粲權知蘇州事夏四月丁丑命築安衆

營于臨安五月甲辰潤州阮結卒

結字韜文錢塘人也杭州建八都結

亦副焉中和二年以征漢宏有功授散騎常侍光啓

三年征常州又平潤州累授戶部尚書四年克潤州

置制使尋遷刑部尚書初徐約之黨三千餘人來降

結撫之失所因散香于甘露寺輒為所叛投于江遂

成疾而卒王以其弟右驍衛將軍阮綽領其本郡仍

命成及代所任及盡誅其叛卒秋七月勅授王金紫

光祿大夫檢校司空本州防禦使冬十月勅除給事

中杜儒林為蘇州刺史以沈粲為制置使十一月帝

南郊更名暉改元大順是月宣州楊行密遣將李宥

陷我毘陵執杜稜而去初李宥攻毘陵鑿穿地道而

之寢室因執稜十二月淮南孫儒遣其下城建封姓

于卧榻而去王諱故帥衆陷我潤州成及奔歸

號彭城

庚大順元年春正月戊子朔皇帝受冊尊號大赦夏

四月勅遣使徵兵討李克用因路遠事遂寢秋七月

常州李宥陷我姑蘇制置使沈粲害刺史杜儒林及

兄延休而奔于我王以其失備復害刺史將欲誅之

粲遂奔孫儒初沈粲之攻杜儒林儒林曰勿殺我與

延休異母兄弟也同日而是月楊行密遣將張行周

為常州制置使八月制加王吳興郡開國男閏九月

孫儒復遣彭建封攻毘陵殺張行周而復困姑蘇是

月王命築新夾城環包氏山泊秦望山而迴凡五十

餘里皆穿林架險而版築焉王嘗親勞役徒因自運

一甃由是驂從者爭運之役徒莫不畢力冬十一月

孫儒陷姑蘇李宥奔常熟十二月孫儒歸淮南仍以

沈粲為制置使是月敕遣使高品賜官誥加王檢校

司空同平章事

辛二年春正月孫儒自淮南復入姑蘇將乘勝以圖

我王出舟師以禦之儒遂絕南顧夏四月彗星見大

赦天下秋七月城東安鎮冬十二月孫儒燒掠蘇常

遂逼宣州困圍楊行密遣使求救于我王王出

糗糧甲兵以助之是月常州甘露鎮使陳可立據本

州王遣師平之

壬景福元年春正月丙午朔大赦改元二月命從弟
子景福為蘇州招揖使夏四月勅陞杭州為武勝軍授王
本軍防禦使六月王出師會宣州兵敗孫儒于宣城
行密斬孫儒傳首京師宣州以沈粲歸王戮之于市
而行密因有廣陵焉初楊行密軍師張某或曰李其
日大水亭午可獲孫儒時畏日曦赫儒兵正勝人皆
晒其言及詰旦西北有雲大如箕漸瀰漫俄而澍
雨大水暴作儒謂衆曰城中大水將及我諸營自顧
無相救也俄而水深丈餘城中知其號令乃徑出兵
邀擊儒營他皆不救因是月泉州王朝攻陷福州殺
以獲儒軍師之言果驗乃陳岩之子壻也岩為福
范暉而有其地州亦作鮑姓乃陳岩之子壻也岩為福
州數年而卒以暉繼之至是為王朝
所害時福州嘗有僧記之曰潮水來岩頭沒
潮水去矢口出矢口蓋言將來繼潮之人也

癸丑二年春二月楊行密以其將田頔牧宣州安仁義
牧潤州夏閏五月詔授王本軍團練使蘇杭等州觀
察處置使進封彭城郡開國侯食邑七百戶秋七月
丁巳王率十三都兵泊役徒二十餘萬衆新築羅城
自秦望山由夾城東亘江干泊錢塘湖霍山范浦凡
七十里咸通中京師有望氣者言錢塘有王者氣乃
遣侍御史許渾中使許計齋壁來瘞秦望山之腹以
厭之使迴望氣者言必不能止又郭璞撰臨安地志
云天目山前兩乳長龍飛鳳舞到錢塘海門山起橫
為案五百年生異姓王至是果驗率十三都者八都
之外有紫溪保城

龍通三泉三鎮九月制授王鎮海節度浙江西道觀

是為十三都也先是今年三月詔以鳳翔宿

察處置等使潤州刺史衛耀德都頭李鋌授時進同

平章事領浙西差朝廷以李茂貞徹海王惡其黨將

奪之權故有此授而丹陽已為淮人所有鋌不能至

所治至是命王時議當之比蜀禪月大師休公嘗上

期必曰待錢來斯之應也詩曰今日再三難更讓

識辭惟道待錢來明矣甲乾寧元年春正月乙丑朔大赦改元二月王命成

及權蘇州刺史三月制王自光祿大夫檢校司徒進

充本道營田招討鹽鐵制置發運等使夏五月勅遣

中使彭延鉅姓犯王諱特授王開府儀同三司同中

書門下平章事六月勅遣中使賈居懔賜王私門立

戟乙卯二年春二月進封王開國公食邑一千戶是月威

勝軍節度使董昌僭稱皇帝建元順天國號羅平年

或云天冊或云天聖皆非也江東羅諫議隱撰吳越

行營露布曰羅平者啓國之明順天者建元之始又

曰以將門稱天冊之樓以昌以書告王其所稱云權

會府為宣室之地明矣即羅平國位印文曰順天治國之印王得之召賓吏

以議曰董氏昔吾鄉黨也今吾鄰藩也其豐功茂績

崇階厚祿又吾所以贊成也今採聽妖妄遂圖僭亂

吾以授朝廷將相當徵兵以討之然以惡跡方炳庶

或能改吾先馳書以勉之救其覆族之禍衆悉稱善

乃遣賓屬沈滂率將吏數百人移書以諫之曰與其閉門作天子與九族百姓俱作塗炭不若開門作節度使終身富貴無憂也及今後悔尚可及矣昌竟不聽王乃表聞之仍又親率兵至迎恩門望樓再拜且諭曰大王奄有數州位兼將相非不貴矣非不富矣一旦顛倒兵柄改易臣節自貽伊戚禍不旋踵今率諸州兵至城下以俟大王改過苟不見聽則天子赫怒羽林黃頭濟江而至襲大王之城非唯大王有累卵之危實鄉黨生靈皆歸鼎鑊矣禍福之道惟大王擇之昌於是送犒師錢二億萬仍執妖人應智王温

室巫姬阿韓掾吏吳瑤秦昌裕至于軍門且言待罪于天子王遂誅應智等而還復表其事時越州都指揮使馬綽指揮使駱團出降俄而詔王討昌又勅遣中使高品李重密來勞我師仍削奪董昌官爵

詔曰夫雷霆霜雪上天降以成物明賞飭法哲王垂以理人是則陽春不可以獨為歲功仁恕不可以專為君德威刑之作其在斯乎朕以眇躬祇膺大寶奉祖宗之不訓荷天地之洪休八年于茲一日無怠遜于志者既求諸道逆於心者必本於情苟懲戒之不明懼典章之斯廢威勝軍節度使隴

西郡王董昌出於行伍屬遇艱難權握兵戎位崇
將相器總盈而自覆鼎必折而遂傾因憑生祠輒
有狂計假陳妖異惑亂邪巫鼓譟危樓偽為建國
不思理代徒生犬吠之音欲就崇祠妄舉狐鳴之
兆賴浙西節度使錢下與諸司等皆忠誠憤激壯
節堅高始以逆順之理飛章諭之而不悟次以攻
伐之謀盟約脅之而不回至於率兵直以靡壘雖
復假言幻惑止遏兇邪終為閉壁偷安不便束身
歸罪是其陰詐猶欲張皇魚戲鼎而雖亦可哀鯨
拒轍而終為不率天討有罪鬼得而誅其董昌在

身官爵並皆削奪仍委爾進兵攻討越州城士庶
且多寧無勇敢之徒善以功名自許如有梟戮生
擒董昌者授以三品正員賞錢一萬貫如先有官
者超三資酬獎如是董昌威制曾助妖謀翻然改
圖轉禍為福有所自効者罪並不問賞則與之於
戲惡殺好生君人令德仗順伐逆武夫令猷鳴鼓
而攻既非獲已奮戈而起亦宜慎諸勿發勿焚無
誤無失罔俾觀聽謂我黷武而勤兵也

夏四月辛卯蘇州雨雪乙巳皇考太師薨六月制授
王檢校太傅彭城郡王兼浙江東道招討制置兩浙

鹽鐵發運等使是月王起師討董昌秋七月制授王起復雲麾將軍上金吾衛大將軍員外置同正負是月帝幸莎城旋至石門鎮八月車駕還京於是董昌求援於淮帥楊行密遣將臺蒙等困圍姑蘇以應昌冬十月行密又遣安仁義田頽等攻我鎮戍昌遣裨將陳郁鍾福率黨屯于香巖寺又遣李蕙崔温屯于石候香巖石候皆地名王命武勇都知兵馬使顧全武馬步軍都知兵馬使王球率兵往逐之遂戮李蕙崔温等未幾昌復構湖州刺史李師悅率兵四千餘人侵我封境又遣徐淑因我嘉禾王命內衙都虞候方

密襲之不克更命顧全武率所部而禦之因破烏墩光福一岩而府城東接大江賊不得聚然沙路平漲賊之游兵得以來往王謂全武等曰賊若有我江孺襟帶甌越則不可當也汝善禦之十一月衢州刺史陳儒卒弟岌嗣時顧全武遣偏將孟寶蔣璠率兵屯于西陵是月敕王依前起復檢校太傅兼侍中加食邑一千戶是歲終郊封晉山伍子胥為惠應侯封晉山祠不詳詔命日月羅代集有碑云三年閏正月則知詔下之明年正月為碑今按長曆乾寧三年今甘崇耳丙辰三年春正月勅授鎮海軍水陸都指揮使費州刺史高彥諸軍應援指揮使夷州刺史沈夏並檢校司

空是月安仁義出戰船從湖州將渡江以應董昌王
命武勇都指揮使許再思等禦之仁義竟不敢渡然
沙路之患未弭乃祭江海而禱晉山祠一夕驚濤沙
路悉毀江壩一隅無所患矣昌又遣徐珣李玄賓等
據肅清四朴九鄉之地王命顧全武王球擊之徐珣
等來降昌又遣將湯舊領兵守石城袁頌領兵守永
寧時昌鎮遏使朱威與賀蘭風招揖使孫仲殷等並
投款于王且為越軍所襲朱威等由海道而至二月
王命顧全武許再思自西陵趨石城與湯舊遇遂破
石城去越城僅三十里生擒其黨六百餘人湯舊等走還昌

不能援三月我師復攻餘姚袁邠因大戰賊黨逃溺
者相半而明州刺史黃晟遣指揮使梁從陞率兵來
應我師袁邠堅壁自固昌益兵以救之顧全武遣武
勇隊主彭彥章姓因犯王又遣將陳郁自南臻了口
至于富陽漁浦等處屯聚王命王球等擊之又截其
衝要生擒賊將徐宣等斬首二百餘級昌遣婺州兵
及諸鎮兵以應之時陳郁率其黨千餘人來降夏四
月我師執袁邠及偏將潘薦等凡二千餘人王以朱
威復為永寧鎮使是月顧全武進圍越城而楚武王
馬某始有湖湘之地王馬姓名犯宣祖廟諱故以謚易之也五月辛巳

董昌親閱戰于五雲門仍懸玉帛以誘我師顧全武許再思等奮擊之其黨大敗昌愕視而退至是始懼自去其帝號初城中有言王師雄壯強盛者輒怒而賞之於是親閱我師次日王命分兵進攻以顧全武奮擊始大懼而退

克諸軍都虞候東面都知兵馬使與指揮使孟寶等攻五雲門王球克右副指揮使與蔣璠等攻亭山及申光門陳章克右副指揮使與錢顏攻閔子門許再思克馬軍都虞候北面都知兵馬使攻昌安門駱團克西面都指揮使攻迎恩門是月癸未越城將拔而臺蒙等陷我姑蘇刺史成及被執王乃召全武議將

分兵西陵以備北寇全武上言曰賊之根本繫於甌越豈以失一姑蘇而遂追天討願先拔越城然後復茂苑未遲王從之乙未董昌猶據牙城拒之王給昌曰奉詔令大王致仕歸臨安昌乃送牌印而出顧全武遣上武勇都監使吳璋執昌至而斬之越州平王命散府庫金帛以賞將士開倉廩以賑貧乏又斬偽宰相李邈蔣環等十餘人以下脅從者悉宥之董昌

人也始為土團軍破山賊有功為石鏡鎮將尋遷杭州平彭城漢宏復除越州其始在餘杭洎領越州頗有廉儉之度累授開府儀同三司檢校太尉同平章事封隴西郡王時屬京師喪亂文籍多亡越州有裴氏書樓昌悉取其書以貢授諸道採訪圖籍使之對恣為淫虐凡按罪人無輕重枉直必命散子使之對

擲勝者宥之否則殺之而案牘不復所決但一槩守戮而越州有白樓門外即殺戮之所地為之守門者嘗夜聞鬼哭凡軍中制度多所改易中者衣黃布背印威儀二字隸外軍者白衣其臂者亦如之凡所器玩無小大皆號文也皆當歸錢氏昌建生祠如識者以馬嘶發汗者必被賞又立將吏祠如諸郡置長釘以有誰其足日應智等竟以幻惑進愚俗吏致龜魚符印者妖人以百數又集無賴之徒皆斷腕劈耳號曰感恩都辰巳間越中嘗有聖經云有客使倪德儒語昌曰福敬則福慢則禍於民類乃出圖其形以禱之越人禍福敬則福慢則禍於民類乃出圖其示昌欣然遂以王署名與當時鳥狀相類皆用卯從妖言也或用云古識書云江東岸上重日生昌以吳錄悉用卯以符書出諸侯也昌孫欲為假天令吳錄悉用卯以符書出諸侯也昌孫欲為假天六州大取滅亡也彼不從徒守孤城為天笑昌又殺

之節度副使黃碣惡其惑亂屢諫碣家奴有致印於昌者碣將殺奴將奴遂投昌匿之碣乃密致書于管權官李滔有順天將期一統昌如之何愚計之針豈為稍耶之句有竊其書送昌集召議之碣曰今王室雖哀天極矣未厭大興於畎畝受朝廷厚恩位兼將相富貴極矣奈何旦忽為滅族之計昌厚誥之曰爾賊負我好矣明三公不能待先求死也遂斬碣首投諸廁中仍族誅之而李滔亦遇害自王師攻討而遷延未克者以其姪小得志耳與小將刺羽不和譖于昌而殺之衆由是解體而真與天實所廢是月乃雨蓋昌前年仲冬不雨至於今乃雨秋七然也

月李茂貞犯闕帝幸華州八月勅授王檢校太尉兼中書令加食邑一千戶實封一百戶賞去偽之功也

仍遣供奉官竄全道賜王旌節又遣中使韓彞範來

宣諭將授王越州王固讓遂除宰相王搏

亦作 出鎮

越州溥以王有大勲宜當所授復固請辭冬十月勅
改越州威勝軍為鎮東軍授王領鎮海鎮東等軍節
度使十一月戊子湖州刺史李師悅卒子繼徽嗣師
要節制於朝廷授中國軍節度使使臣未及境師
悅已寢疾使人覘之回報旌節已至燕湖師悅聞之
喜不及拜是月安仁義由南蕩率餘黨攻東陽刺史
命而卒王壇堅壁自固
丁巳四年春正月帝在華州是月王命行軍司馬杜稜
都監使吳璋率兵救東陽安仁義復攻睦州一夕大
風雨賊衆驚擾而遁夏四月命顧全武與王弟鎮并
武勝軍都指揮使沈夏陳章高遇許再思等率兵自

海道以救嘉禾時諸將皆欲緩進惟全武請倍道兼
行王從之一日師次嘉禾城中莫知所之遽見我旗
號皆大悅賊亦謂之神是日遂內外夾擊擒賊將李
宗禮偏將顧金等二十餘人俘馘不可勝計乘勝大
破賊寨十有八所又擒賊將魏約張宣楊燔閣建等
士卒三千餘人嘉禾平全武等又乘勝逐田頽于驛
亭埭頽由吳興而遁於時大水我師逐之斬馘沉溺
者僅于十里初安仁義田頽之攻我也乃請淮帥楊
城僧曰此腰鼓城也擊之終不可得又聞城中鼓角
之聲曰錢氏子孫皆當貴盛未可圖也行密乃先歸
而安仁義田頽由是俱敗豈非天使然也六月巳酉
頽營震折威鎗由是俱敗豈非天使然也六月巳酉

王如東府受鎮東節鉞先是勅命到時王謂衆曰淮
寇未殄吾不敢奉命至是方
行秋七月庚寅王至自東府命顧全武率師復姑蘇
八月我師屯崑山既而勅王起復加食邑一千戶又
遣中使焦楚錕齎鐵券至

券文曰維乾寧四年歲次丁巳八月甲辰朔四日
丁未皇帝若曰咨爾鎮海鎮東等軍節度浙江東
西等道觀察處置營田招討等使兼兩浙鹽鐵制
置發運等使開府儀同三司檢校太尉兼中書令
使持節潤越等州刺史上柱國彭城郡王食邑五
千戶實封一百戶錢鏐朕聞銘鄧隲之勲言垂漢

典載孔悝之德事美魯經則知褒德策勲古今一
致頃者董昌僭偽為昏鏡水狂謀惡跡漸染齊人
而爾披攘兇渠盪定江表忠以衛社稷惠以福生
靈其機也氛祲清其化也疲羸泰拯於粵於塗炭
之上師無私焉保餘杭於金湯之固政有經矣志
獎王室績冠侯藩溢于旂常流於丹素雖鍾繇刊
五熟之釜竇憲勒燕然之山未足顯功抑有異數
是用錫其金板申以誓詞長河有似帶之期秦華
有如拳之日惟我念功之旨永將延祚子孫使卿
長襲寵榮克保富貴卿恕九死子孫三死或犯常

刑有司不得加責承我信誓往惟欽哉宜付史館

頒示天下

是月勅封胥山惠應侯為吳安王景福二年始作羅城而江濤勢激版

築不能就王因禱之而沙漲一十五里餘功乃成就

故有惠應之請前年安仁義以游兵往復禱之一夕

驚濤沙路盡毀至是九月湖州刺史李繼徽以州附

感其靈貺請而封之淮南牙將沈攸拒之繼徽遂奔是月乙未王親巡吳

興收繼徽家屬凡二百餘人而還湖州平王命海昌

鎮將高彥為湖州制置使李繼徽亦作彥徽父師悅

屬王仙芝作亂遂投行伍後以遣獻黃巢首級以功

授是郡師悅能書長於斷讞州有十五都頭其下俱

數千人師悅撫之盡得其時朝廷命將代師悅召

諸校議之咸曰但慮君侯厭小郡耳不爾則苟有代

人斷不奉詔會進士顧雲旅遊于雲乃請雲草奏論

之雲表畧云觀龍綸而髣髴猶鳳篆而依稀因不復

代矣師悅在任置舟楫樹倉廩以圖割據董昌僭偽

師悅率兵食以應之至是繼徽復以携貳而敗焉初

繼徽將納淮人也沈攸以逆順之理諭之其衆因誓

曰附李氏者居西附沈氏者居東而居東者十得其

九繼徽於是冬十月淮人以臺蒙守姑蘇代朱黨也

十一月巳卯台州刺史杜雄卒初與朱黨婁文俱為

草寇婁文以雄為副文害刺史羅虬遂侵漢宏不利

因降漢宏署婁文知明州事以杜雄知台州後漢宏

敗率其下六百餘人奔雄使偏將方師立饗漢宏

于驛亭其黨皆醉遂執漢宏歸越以功董昌奏授雄

為德化軍使

至是而疾卒

戊午五年春正月帝在華州改元光化是月我師救蘇

州生擒淮將李近思斬首一千餘級又斬其將梁琮

張顥等而楊行密復遣將李簡率兵五千餘衆屯于
無錫我師復攻之獲其徧將陳益等而還餘皆走之
是月王以越州指揮使駱團為台州制置使二月勅
移鎮海軍于杭州為理所從王請也又授都押衙董
名犯太祖等恩命有差秋七月勅授王檢校太師賜
諱上一字定亂安國功臣八月車駕還京九月婺州刺史王壇
遣將攻東陽王命使諭之息民故也冬十月王遣顧
全武率師克蘇州臺蒙李德誠等皆宵遁其下秦裴
因力屈而降蘇州平初遣顧全武等攻蘇州淮將刺
史臺蒙等皆棄城宵遁獨秦裴
守崑山不下全武攻之裴屢出戰復斬侮全武全武
怒益兵引水灌城城壞乃出降王曰爾軍弱如此何

敢久為旅拒裴曰裴義不負楊公今力屈而降耳王
王善其言而全武亦請宥之王從其請而遂宥之

以嘉興都將曹圭權蘇州制置使尋命為本州刺史

是月勅王兼兩浙安撫使加食邑一千戶實封一百

戶閏十月婺州王壇抗命王遣師伐之而衢州刺史

陳岌貳于我王復遣顧全武等討之十一月成及至

自淮南王亦以魏約等歸淮以報之

紀光化二年春正月我師大敗陳岌黨于龍丘二月

勅遣高品周道安改王本縣石鏡鄉為廣義鄉臨水

里為勲貴里所居安衆營為衣錦營仍賜兩浙行軍

司馬杜稜以下一百二十人並號贊忠去偽功臣三

月婺州王壇求救于淮南夏四月勅陞杭州為大都督府是月淮帥遣將康儒等來應東陽王命副指揮使方密羅聚等濟師于婺州及蘭谿義烏等縣秋七月淮人有使入衢州者為我師殺之仍獲陳岌所送楊氏地圖州印以歸

庚三年春正月淮將康儒徐從臯等復攻婺州王遣從弟鉞率師討之三月我師大敗賊徒于軒渚遂絕其糧康儒等由清溪而遁夏五月勅遣中使王金峯齎詔封王為南康王加食邑一千戶實封一百戶王表陳讓秋八月勅授王行軍司馬杜稜檢校太子太

保是月庚申龍鬪于浙江因過于郛郭壞廬舍或吸居人浮空而去數里方墮亦有死者九月王壇奔宣城

城壇本孫儒隊將儒敗率其黨三千奔睦州陳晟晟嚴攻婺州婺州刺史將環奔會稽是月辛卯王親巡壇遂有其地至是而壇奔宣城矣

婺州命浙西營田副使沈夏權婺州刺史壬辰王至東陽而東陽鎮將王永伏誅永東陽人也鎮治城棟相接又采妖妄立石瑞亭將規本郡及王壇舞榭蕘王以前年婺民為安仁義所撓王故遣使諭之壇罷兵將追永歸于府城而壇不從命故伐之是月甲午事平今責永以不敬故斬之以謝百姓也

王復巡衢州陳岌降王以岌為浙東安撫副使命顧全武權知衢州事岌兄儒本黃巢之黨尋降朝廷授以饒州光啓三年率其部伍自饒

廳事直指衙門而出人無預知者且誠其下曰我自
棄他郡州人無負我泰有殺掠者斬由是市不易肆既
而徑趨衢州知州立泰迎于郊儒詰之曰立宗御容
安在泰泣曰使君不見容矣時信安有立宗銅容泰
毀之故以是為責遂斬之而自據焉凡在信安十年
頗有惠愛每秋主司請納稅於倉所輒振衣以避糠
其刈穫始罰之其所嘗見吏於南海節度使以避糠
道由信安見其品裁乃撫之曰此賊有士人之風儒
亦欣然而謝之及病時及入省之因顧發曰汝非
偵我耶今汝仁弱其如諸校何乃召列校豪強者十
餘人入卧內皆斬之遂以郡付岌王壇之叛岌寔同
其惡至是降冬十月勅遣中使取王形圖于凌煙閣
王命寫容以進十一月庚寅中尉城李述姓犯王諱
與王仲先樞密王彥範等幽昭宗于問安宮立德王
裕為帝以昭宗為太上皇勅遣使進王為東安王王

不受命是月巳酉葬皇考太師于安國縣錦北鄉或

義成清風里初太師薨因有淮師葬是以緩按羅氏

鄉十一月也今以長曆推之十月二十乙卯今辰巳酉

五日乙酉葬太師未知孰是誤之也

辛天復元年春正月昭宗反正大赦改元出太子裕

復為德王而城彭李述等皆伏誅是月勅遣供奉官吐

突令鐸來宣諭仍賜國信二月王親巡衣錦營大會

故老賓客山林樹木皆覆以錦幄表衣錦之榮也命

指揮使陳章為衢州制置使夏四月丁丑王親巡東

府五月勅授王守侍中進封彭城王加食邑一千戶
實封一百戶仍陞王所居衣錦營為衣錦城封石鏡

山為衣錦山大官山為功臣山秋八月勅授邵州刺史王子文穆王禮部尚書遥領邵州刺史九月王以衢州制置使陳章為本州刺史是月壬子皇妣秦國太夫人水丘氏薨冬十月淮將李神福等寇衣錦城王命顧全武方密率師禦之全武等為賊所執楊行李神福等率兵欲圍杭州全武列八寨以拒之神福詭言還師其所獲杭俘走還者皆不追至暮遣羸兵先行而伏兵青山全武不知其詭奮勇追之伏兵大發遂被執王聞之驚曰喪我良將也既而神福欲歸又恐為王所邀乃遣人守衛王祖考丘壠又令全武通家信王遣使犒之神福受其犒賂而還十一月駕狩于鳳翔王聞之悲泣為遣使奔問帝嘉之賜王御服夾襖子一副仍降御劄于衣襟焉十二月淮

人以師老糧乏求成而還是月勅王起復雲麾將軍上金吾衛大將軍員外置同正員時王以衣錦城被寇命玄同先生閻丘方遠建下元金籙醮于東府龍瑞宮其夕大雪惟醮壇之上星斗燦然殿宇無所沾洒又有鑑湖宿釣者聞車馬之聲甚衆復有一黑虎蹲于宮門外醮罷乃去鑑湖昔賀知章所居者一名祕書此湖故名易之也賀湖因犯僖宗廟諱今以唐壬二年春正月帝在鳳翔三月朔日有蝕之是月癸丑至乙卯三日浙右大雪盈丈雪氣如煙而味苦夏四月淮人以顧全武方密歸我王亦以秦裴報之裴即

光化時蘇州降將也。是月制加王食邑一千戶，實封一百戶。五月，勅封王為越王，又加食邑一千戶，實封一百戶。是月，庚戌，溫州刺史朱褒卒，兄傲代之。褒永嘉人也。兄事官屬冠亂，兄弟皆聚兵禦以功，遂攝司馬及副使。胡燔卒，乃自據焉。褒處兄弟性頗強，悖一日，輒收一赤點，每怒以州屬城，漢宏署褒以知州事。褒耳下有一褒將殺之，其母力救，對曰：「比求郡，蓋欲殺此輩耳。」卒不聽。漢宏之亂，褒率黨助之，尋以同姓結援于梁。太祖好禮士，但動不量力，故不及世而家滅亡矣。亦秋七月，王親巡衣錦城，治溝洫。八月，丙戌，將還府城，親饗將校武勇，都指揮使徐綰即席將謀不利，惶懼辭以疾。王惡之，即日命綰率所部先還。次日，王發自衣錦。

城。徐綰率兵已及府城，焚掠郭郭左武勇都指揮使許再思以兵迎綰，同叛將及內城王子傳瑛亦作元瑛與

三城都指揮使馬綽牙將陳為等發懸門以禦之王次龍泉，有馳來告叛者。王遂疾行，時北郭城門牙將

潘長與徐綰遇，斬首二百餘級。綰退營于龍興寺，王微服至德勝門，牙將周肅遣偏將鍾審以舟迎王。王

遂沿江至內城東北，登城而入城中。莫有知者。北門直更卒憑鼓而寐，王親斬之。衆皆驚悟，隨命都監使

吳璋、三城指揮使馬綽守北門，內城指揮使王榮武、安都指揮使杜建徽守南門。又命指揮使顧全武率

安都指揮使杜建徽守南門。又命指揮使顧全武率

兵衛屯東府全武上言曰東府不足往當詣邗溝何者綰必召田頽頽來淮南即興師矣宜早圖之杜建徽言曰楊氏嘗由王昉孫儒之難彼丈夫者豈不能報王耶請以難告王從之命全武行全武曰獨行事必不濟請擇諸公子王曰我嘗欲以元璪娉於楊氏汝當輔而行焉全武遂與同往矣湖州刺史高彥遣其子渭來赴難渭趨靈隱山而至為賊伏兵所害命渭所部營于城南高彥之聞難也亟遣子渭行渭曰今日不利彥曰赴難之急何以吉辰耶遂促渭行渭不敢抗命遂率所部徑趨靈隱山而來至是果敗也九月徐綰果召田頽於宣城頽先遣客吏何饒來致意曰相公請大

王東之越城虛府署以相待所貴者兵不血刃耳王復曰軍中叛亂何方無之爾相公不嘗為人長乎反助其逆須徑來何用肆言也既而頽至泊于北門以旗鼓自蔽王登城將與之語俾開旗頽不之答王注弩中其執旗者頽見王城中大鼓譟懼退還營遷逼于西北隅今清波門是也乃使其黨據營以辱王亦注弩斃之頽伺夜復攻西北隅梯撞畢集城中矢石如雨賊墜溝洫者不可勝計頽遂拔營而退十一月頽復具舟楫將渡江絕西陵王命副指揮使盛造朱郁大破之俄而楊行密遣使召頽曰爾不還師我當以宣城

授他人矣時行密使至顯營王城中莫有知其意者
王曰田頵悖而無機倘得密意必明言其可否王乃
使人往覘之頵迎行密來使於半道紅半道紅在北郊舊植桃花
之所凡並轡而行果與言及罷兵之事覘者迴以其
言聞皆如王所料也既而頵率徐綰許再思歸宣城
王命致犒師錢一百億以送之頵慮為我師所逐遂
委質而去初王行至龍泉聞變召李咸占之曰大王
大王當有疫王曰寧我有疾豈宜害百姓耶王又召
葉簡筮之曰賊無如我何王曰淮人將同惡乎簡曰
淮人不來宣城當濟賊季冬方敗而宣城亦當敗於
明年今不足慮如期皆驗也而武勇都指揮使徐綰
本孫儒之黨來降乾寧中王以守禦功因憊心膺前
年錦城之役不用命王頵惡之及是始治溝洫而遂

叛是月温州裨將丁章逐刺史朱敖敖奔蕪諸丁章
遂據是郡

癸亥三年春正月己巳帝還京師夏四月温州丁章為

木工李彥斧殺之裨將張惠據温州是月城婺州秋
七月睦州刺史陳珣貳于我仍率黨攻婺州蘭溪縣
王遣指揮方永珍等率師討平之九月宣城田頵安
仁義俱叛于淮而淮帥楊行密請師于我王命方永
珍率師至京口又命從弟鑑率兵次宛陵以應行密
師又命指揮使楊習代方永珍於睦州冬十月我師
與淮人生擒安仁義於潤州歸淮師而斬之田頵死

於陣其母奉文穆王歸焉

甲四年春正月帝發長安三月勅遣衛尉卿許渾來

宣諭仍賜國信是月王子元璪與所聘楊氏至自淮

南夏四月帝至洛陽大赦改元天祐勅遣給事中鄭

祈刑部員外郎楊永休亦作永承進封王為吳王加食邑

二千戶實封二百戶秋八月昭宗崩太子即位勅遣

使來宣告王素服舉哀于軍門是月淮人輓送徐綰

歸我王命剖心以祭高渭冬十月朔日有蝕之是月

癸酉大雪平地丈餘

乙丑天祐二年春正月制授文穆王等官爵是月淮將

閻睦等來據新安王命從弟鎰與指揮使顧全武等

禦之我師不利鎰等被執于賊三月廣帥彭城隱始有

南海而衢州制置使陳章亦貳于我夏四月陳章會

睦州兵及淮將陶雅等同攻東陽王命弟鏢帥師討

之秋八月處州刺史盧約弟佶寇永嘉張惠奔蕪諸

王命方永珍濟師于東陽會師討賊九月陳章陷東

陽執刺史沈夏送于淮南夏海鹽人也徐及為監鎮

之一號海昌者也王副董廢人討漢宏于越州徐

及遣夏與高彦率本部會我師見之甚悅延入卧

內謂曰吾東討之師已眾渡江之役無勞爾輩但徐

及平素強梁終非我所蓄以我東討或為後患汝還

本營為我殺之皆當以列郡牧汝然吾非誨人為逆

但境土苦於干戈不仁者當盡除之用息生聚耳汝

等當識吾意夏等再拜聽命王厚遣之既回告及曰
董公與錢公以兵討賊聞將軍以所部見助喜動於
色然以東北為慮設有狗鼠偷竊復勞後顧夏等實
託將軍以錢塘皆有後據及有軍師竊視夏等謂及
至自錢塘皆有一色文在其面將軍宜備之及不聽
遂與其下謀之乃所竊發及死其下遂分而夏性克
暴不即我歸殺之以所留三千餘人徑往嘉興劫吳
擇勿弱者盡殺之惟從將殺之庸懦因放其歸夏所
約命遂與俱往未幾亦優容之累從征伐歷奏職官
圖無成始復歸王亦殺戮為事左右指令小不稱意
領遙郡至任惡以殺戮為事左右指令小不稱意即
加屠害王頗惡以殺戮為事左右指令小不稱意即
壯侔于公府今北市酒家樓俱夏之第也其郭制子
過輒手刃之王以其噬子茲不悅出為東陽淮將陶
雅以兵攻其郡王不急救遂為淮人所執尋遇害
陳章自稱衢婺二州刺史復分兵與淮將許野鶴等
犯我豎陽野鶴之名或云許再思軍中以其多語故
號之而與徐綰同惡者乃諸葛成慕野鶴

故號其名焉淮南嘗致書于王曰願事書王命楊習
中具萬成之名又非許再思也是其驗矣王命楊習
逐之廬一作章兵大敗習遂攻東陽冬十月有獸入吳
興一角麟趾十一月王命建功臣堂于府門之西樹

碑紀功仍列賓寮將校賜功臣名氏于碑陰凡五百
人是月楊行密殂子渥嗣十二月睦州刺史陳詢奔
淮南詢即晟之弟餘杭人也八都建稱清平鎮將因
八載而卒子紹權嗣詢黜紹權而自立懼非王命頗
不自安屬徐許之亂乃通田顏顏敗詢益懼及王命
桐廬縣隸使府復徵軍賦田顏顏敗詢益懼及王命
遂不聽命而叛至是而奔
丙寅三年春正月淮將陶雅率其黨自睦州歸歛是月
王親巡睦州時宣州觀察使王茂章為淮人所圖因

奔于正王以為鎮東軍節度副使二月辛卯王至睦
州陳章退保衢州婺州平是月丁酉玄同先生閻丘
方遠卒方遠行稱方遠幼辨慧學于廬州道不仕以文學
尋傳法籙于天台玉霄宮葉藏質方遠雅好儒學每
披卷得之趨必曰葛稚川陶隱居俱吾之師友也銓
太平經為十三篇景福唐成歲始居餘杭大條洞初
入謁王談莊老之義逡巡而罷退而嘆曰彼英雄也
是不宜與談玄虛之道乎翌日謁遂陳春秋因延
之盡日由是王厚加禮遇重建天柱宮俾以居之命
奏請賜紫又勅賜號玄禮同先生鶴至由是王益竒之
方遠圖形前一夕王夢方遠駕鶴必瞑目而授餘無
江東羅隱每就方遠授子書方遠必瞋目而授餘無
他論門人夏隱言謂方遠曰高性下吾非授書不欲
何事而隱亦盡師之禮是日乃降聖節前一書不欲
人以香花至方遠受訖乃入齋中作控鶴坐怡然一
而逝復有異香滿室王以夏隱言繼其住持也

日王命方永珍楊習等進攻衢州三月命浙西營田
副使馬綽權睦州刺史夏四月朔日有蝕之洪帥南
平王鍾傳殂子匡時嗣六月淮人陷洪州虜鍾氏而
歸秋八月衢州陳章導淮將周本呂師造等入其境
為我師所逐遂奔淮南章本孫儒之黨尋降于王以
福初始赴本郡王親餞于江干徐綰作亂越州客軍
張洪等疑懼乃與其黨三百餘人奔章納之又屬
丁章叛于永嘉而宣州田頌使其人下威將招之章
因假道而遣王聞之乃密使衢州羅城指揮使葉讓
殺之而王視章遂殺讓而叛初王命章城衢州工畢以
圖獻王王蓄西門樟樹謂左右曰此樹不入城陳章
當非我所蓄九月周本等率其黨歸信州王命方永
珍為衢州制置使是月勅遣右散騎常侍王矩司勳

郎中裴均授王吳王册禮冬十一月乙丑湖州刺史

高彦卒子澧嗣殺徐及及死以首歸于王彦等前後

從征悉有功沈收等皆以已功有牧守之望王遂題詩

吳興其將蘭堂在湖州東南溪次末云須將一片地

一章於嬰有心人衆亦不測王將登舟始言曰我以此郡

付與汝宜善撫之彦性淳厚居今任將終政頗簡便累奏

授職官遙領州刺史尋至乃異僧及入州是月

如訥訥以師事之一日彦與之語訣別未幾而卒是月

勅命王本道建三代師廟閏十二月王命弟鏢為婺

州制置使

丁卯四年春三月勅陞衣錦城為安國衣錦軍王命文

穆王伐温州夏四月戊午克温州斬盧佶而還王命

都監使吳璋為温州制置使文穆王復討處州是月

梁太祖受唐禪大赦改元開平奉唐帝為濟陰王勅

遣上金吾衛將軍石彥辭刑部郎中薛昭序來宣諭

初梁室受禪有勸王拒之王笑曰古人有言屈身五

於陛下是其畧也吾豈失為孫仲謀耶遂受之

月處州盧約納款於我王以為浙江安撫副使命指

揮使俞浩為處州制置使是月勅遣金吾衛大將軍

安崇隱進封王為吳越王增食邑二千戶實封三百

戶仍賜號啓聖匡運同德功臣初節度判官羅隱勸

成功猶可退保杭越自為東帝奈何交臂事賊王以
隱不遇于唐有怨心其言雖不能用心甚義之王不
行六月勅遣中使來宣諭秋七月勅賜王管内刺史

並授官爵仍賜母妻封邑八月勅授王兼淮南節度揚州大都督淮南四面招討制置使九月詔封衣錦軍神祠號崇福侯又賜道士鄭章號名玄章又賜號貞一太師夏隱言賜紫並從王請也是月蜀帥王建稱帝國號武成冬十月勅授文穆王金紫光祿大夫十二月淮人攻信州刺史危仔昌來求救于我王遣師援之

戊辰開平二年春正月勅改臨安縣為安國縣廣義鄉為衣錦鄉夏五月淮南都將張顥殺其帥楊渥將自立為留後逾旬大將徐溫復殺顥立楊渥弟隆演為

帥六月制授王檢校太師守中書令增食邑一千戶實封一百戶秋八月勅改杭州唐山縣為吳昌縣台州唐興縣為天台縣是月又勅陞杭越等州為大都督府王送宣州王茂章入京師茂章更名景仁避廟諱也九月制授鎮東軍節度副使成及為保大軍節度使同平章事副使餘如故未幾淮人困圍我姑蘇王命從弟鋸率兵討之

己巳三年春正月梁帝遷都洛陽祀南郊大赦二月朔日有蝕之勅選王子兩浙副使傅瑛為駙馬都尉夏四月制授王守太保增食邑二千戶實封二百戶是

月王命弟鏢江海遊奕都虞候何逢司馬福等率師
救姑蘇內外夾攻生擒淮將何朗閻丘直等凡三千
餘人獲兵甲生口三十萬戰船二百餘艘陳章周本
呂師造等夜遁五月甲寅王親巡姑蘇是月丁巳明
州刺史黃晟卒晟明州鄞縣人也初應募於望海鎮
不中選乃隸鎮都虞候林膺而晟性強幹膺甚德之
後潛還本鄉募衆據平嘉埭時權知州事楊僕署晟
為平嘉浦將有衆千餘人初漢宏以台州賊婁文
知明州事文為楊僕所敗其黨杜宗自寧海鎮鄉民
據奉化晟自平嘉埭以所部擊之執杜宗等不殺盡
驅之使還台州獲其粟帛悉屬于本道遂為奉化鎮
將飲飛都知兵馬使及餘姚鎮將相嘉陵州董庶
人禦之不利而刺史鍾季文乃遣晟領兵攻相嘉擒
殺之董庶人奏授晟左散騎常侍充浙東道東西副
指揮使鍾季文卒遂有本郡晟頗尚禮士辟前進士

陳鼎羊紹素以為門賓江東儒學多依之悉加優待
仍築其居號曰措大營及董庶人僭偽晟亦移書諭
之及王師舉晟亦率衆應之在任十有八年遺疏不
請其子為嗣凡府庫所畜必題曰送使其忠順如此
辛酉王自姑蘇復如東府辛巳復巡明州因城定海
鎮命子元琳為明州制置使信州危仔昌為其下應
淮人而叛遂奔于我王以為淮南節度副使六月壬
寅王發明州勅遣刑部尚書姚洎禮部員外郎羅衮
授王吳越王冊禮戊申至自東府王之巡句章也行
次餘姚文亭鎮舟
奏巨石不能進既而大雨震電有二龍負王舡之下
鎮遏使翁元軻拽舟而進二龍自舡而升焉此其異
常也秋閏八月制授王守太尉加實封二百戶蓋由
制曰集非常之事必有挺非常之才建第一之功

必有居第一之位朕膺圖受命負宸開階未嘗以
真太尉之官輕於擬議大司之職易於簡求蓋由
其品爵尊其任重不有英佐孰當異恩啓聖廷運
外同德功臣淮南鎮海鎮東等軍節度使淮南浙江
東西等道管内觀察處置充淮南四面都統營田
新安撫兼兩浙鹽鐵制置發運等使開府儀同三司
兼檢校太師兼中書令杭越等州大都督府長史上
辛柱國吳越王食邑一萬五千戶實封一千戶錢
海嶽騰英星雲誕秀契君臣咸一之德有文武兼
備之才宣慈惠和忠正廉毅敦詩閱禮樹百行於

藩籬去暴除奸敵萬人於幃幄弼予興運明乃嘉
謨頃屬淮夷不賓王化自爾益封吳會兼鎮廣陵
追擒每盡於隻輪覆溺速收其巨艦復聞奸宄屢
擾巡封謂天盖高若水可恃爾又橫戈憤悻獨力
支梧妙筭神機大殲戎醜玄雲陣起雄風驅下瀨
吳之師白露圍開沴氣散常州之化再安生聚重復
土疆薛公之三刺咸明漢主之一竒斯在况早攀
鱗翼備見肺腸同德同心二紀密叅於締構惟忠
惟孝四方咸則其儀刑苟非劇恩何以加賞是用
鏤于彝鼎冊以輅車擬呂望之尊崇正列侯之貴

重仍加真食復寵兼官式是獎酬且旌忠烈於戲
進以正大易所以經邦慎厥終格言用之居位勉
思遵守克荷寵靈服予訓辭錫爾繁祉可守太尉
加實封二百戶餘並如故

是月勅置蘇州吳江縣明州靖安縣今定海是也從王請
也冬十月湖州刺史高澧貳于我遣其黨焚燒義和

臨平等鎮王命弟鏢帥師討之十一月乙酉發運使

羅隱卒隱字昭諫新登縣人也祖知微福唐縣令父

更名初從事湖南歷淮潤皆不得意乃歸新登及來
謁王不見納遂以所為夏口詩標於卷末云一個禰
衡容不得思量黃祖慢英雄之句王覽之大笑因加
殊遇復命簡書辟之日仲宣遠託婁荊州都緣亂世

夫子辟為魯司寇只為故鄉隱曰是不可去矣簡辭
孔子官章魯風之辭也王初授鎮海節度時命沈崧
草謝表盛言浙西繁富成以隱鎮海節度今浙西兵火
之餘日不暇給今朝廷執政方切於賄賂此表執政
豈無意於要求耶乃請更之其畧曰於天寒而麋鹿常
遊日暮而牛羊不朝廷見之曰此羅隱辭也及為
賀昭宗更名表曰上則虞舜之全文右則姬昌之半
字當時京師稱第一隱性不喜軍旅唯與丞相杜
建徽善王初金城西府命賓寮巡覽顧謂左右曰百步
一敵樓足言金湯之固隱徐曰敵樓不若內向及徐
許之亂人皆以為先見一日隱寢疾難繼此才隱起
題其壁云黃河信有澄清日後代應章句動風雷隱
而續末句云門外旌旗屯虎豹壁間章句動風雷隱
由是授紅紗罩軍掌書記後果無文嗣隱累官錢塘
縣令尋授鎮海軍掌書記歷遷諫議大夫給事中賜金
紫卒年七十歲所著江南甲乙集淮海寓言及讒
書後集並行於世初新登麗江常有二氣亘于江上
晝夜不滅及隱泊丞相杜建徽生而
二氣不復見識者以為文武秀氣焉

庚四年春二月湖州高澧導淮將李簡陳章等入其
境都將盛師友沈行瑜閉城不納王遣子元臻濟師
禦之淮人挾澧而遁澧高彥第三子也初彥夢一羽
人吞曰來為君之子報數千即暴虐及其嗣父位恣行
不殺我將吏侵晨入衙必與妻子訣別而每登清暑
樓眺望則州城東西水陸行亦皆絕跡澧亦嘗往觀
也常請太常博士丘光庭行書于樓中澧亦嘗往觀
之一日澧履襪而登光庭不知因面顧見一青面鬼
遂大呼俄而見澧密言曰博士慎勿言是驗之也又
召鄉丁為衙軍號儕要都皆文其面衣青衫白禳緋
抹額凡所指令必躬身仰首如夜叉之狀刀鎗弓矢
常居左右又令州人皆黥面約三日當畢過限則誅
澧則以畫面而傳之乾粉州人既黥澧乃洗去晚年
將敗召郡吏議曰我欲盡殺百姓可乎吏對曰百姓
租賦所出殺之無可取供給願求他可殺者時親紀
二丁軍三千餘人會有言其怨嗟者集於開元寺給

曰將饗汝因閉三門之半而納之入者旋殺連半在
外者方覺因奔逸縱火為亂澧聞盛怒閉城大索戮
之無遺王以其兇虐滋甚將伐之由是而叛先是道
場山僧如訥以高彥將死與其訣別退而謂其衆曰
高公將殂我亦當逝何者蓋有白面夜叉治此政矣
爾輩亦宜避之俄而澧代其父白面者蓋澧未黥面
耳澧至淮南屢取娼姬入其私室殺而食三月癸巳
王巡吳興命弟鏢為刺史癸卯至自吳興夏五月奏
改西府富陽縣為富春縣東府暨陽縣處州松陽縣
為長松縣秋七月詔原前監軍周廷詰已下二十五
人時有詔誅之王以其自前朝將亂求命也八月始
築捍海塘王因江濤衝激命強弩以射濤頭遂定其
基復建候潮通江等城門初定其基而江濤晝夜衝

強弩五百以射濤頭又親築胥山祠仍為詩一章函
鑰置干海門其畧曰為報龍神并水府錢塘借取築
錢城既而潮頭遂越西陵王乃命運巨石盛以竹籠
杭巨材捍之城基始定其重濠累塹通衢廣陌亦由
是而冬十月戊寅王親巡衣錦軍製還鄉歌

歌曰三節還鄉兮掛錦衣碧天朗朗兮愛日暉功

臣道上兮列旌旗父老遠來兮相追隨家山鄉眷

王兮會時稀今朝設宴兮觥散飛斗牛無孛兮民無

欺吳越一王兮駟馬歸其雄辭壯氣實大風之儔也

丙戌至白衣錦城命湖州都將盛師友權婺州刺史

命斬湖州巡校將沈行思初高澧將奔而師友行思

乃命師友從行而行思頗有牧守之望乃謂其同職

陳環曰盛君來豈不佩印綬而歸耶不然我後安處

子曰為我裁之時環已得密旨俾遣行思歸國乃紹之

曰二人之功本無優劣然王情尚未可測宜亟詣府

城面較功績以決其可否則王亦優待之

環以送行思家累至行思始悟其事深銜環遂懷怨

望王將及國城行思與陳環俱候于北郊行思自取

巨槌擊殺環奔王舟以陳其前功復言師友與環

毀間之狀時師友方從亟引之以相證行思輒奪威

鎗將刺師友左右遂擒之王曰吾早以汝強梁故不

欲能任始念汝命斬于龍丘山許其家屬收葬而師友

是遂有命五年春正月丙戌日有蝕之夏四月制命王守尚

書令兼淮南宣歙等道四面行營都統增食邑二千
戶實封一百戶勅遣刑部侍郎李光嗣建王生祠于
衣錦軍勅翰林學士李琪為碑文時從寮吏將五月

朔梁改元乾化是月築松江南北二城鑠柵畢備設
險故也秋七月勅命淮南兩浙幕府將吏五百人並
賜贊正安國功臣九月梁主如相州冬十月湖州刺
史王弟鏢殺防戎指揮使潘良懼譴遂奔淮南十一
月梁主還京是冬廣帥彭城隱殂弟巖嗣
壬乾化二年夏閏五月朔日有蝕之梁主入洛六月
梁主遇弒郢王友珪僭位秋七月遣刑部尚書李皎
尊王為尚父八月己丑城西陵

癸酉三年春正月友珪改元鳳曆肆赦二月均王友貞
舉兵誅友珪遂即位於汴京更名瑱復稱乾化勅遣

供奉官楊彥賓來宣諭三月勅授王尚父冊禮夏四
月制增王食邑三千戶實封二百戶淮將李濤率兵
二萬自千秋嶺寇我衣錦王命文穆王討之生擒李
濤等八千餘人王又命子元璟帥水師攻東州又獲
賊將李師愈姚延環等三千餘人而還五月淮將花
虔渴信等率兵五千餘人會屯于宣州廣德縣將復
寇衣錦軍復命文穆王討之六月師克廣德縣獲花
虔渴信及吏卒七千餘人而還是月辛卯彰義軍節
度使檢校太尉兼侍中成及卒及字弘濟錢塘縣人
史父貞國子博士及性淳厚為鄉里所重咸通中
戍間捍山賊遂齊寇聲名遂振及八都浸盛復分十

三都攻討漢宏平北關鎮將屬城漢宏作亂與王同
事攻討漢宏平北關鎮將屬城漢宏作亂與王同
犯王及舉胡床制之偏將盛造因執孟安就戮以功
奏遷散騎常侍復為靜江鎮光啟中潤州薛朗叛王
命及討之時常州刺史丁從實具牛酒以犒我師仍
遺美及於諸將及取而斬之從實悉不納因克之尋
潤州王奏及授兵部尚書充常州防禦使潤州既結
卒命及代之累遷檢校司空尋為蘇州刺史乾寧時
淮人圍姑蘇常熟鎮將陸郵巡檢郭用與其黨趙即
以其城應寇耶手刃其母妻子以盟城陷及以禮見
楊行之密行密閱及府庫私室皆藥物圖書而已由是
重之至淮南辟為行軍司馬及拒之曰書及以百口託
于錢塘不幸城陷於叛以至於此豈宜復以本道符
竹援富貴于鄰境不惟丞相不可百口其謂我何乃
引佩刀自刎行密遽止之因厚禮而歸焉累署鎮海
軍節度副使奏授司徒至太傅天復中王巡衣錦軍
命武勇都將士以治溝洫軍中多怨言及慮有變亟
請罷役王不聽俄而作亂及護王駕回至北郭王微
服將入城及乃代乘王車行與賊鬪王遂得入王性
嚴急每有所檢發必亟加斬決或及至王雖盛怒必

為之解其寵遇皆類此也累奏授贊正安國功臣保
大彰義等軍節度使開府儀同三司檢校太尉贈太
師兼侍中卒冬十月勅加文穆王開國爵邑是月乙
酉大同軍節度使駙馬都尉王子元瑛卒瑛王長子

國莊穆夫人吳氏原名傳鏞後更名焉性敏頗尚
儒學聚書千卷善草隸好施時徐縮之叛城中有錦
工二三百餘人皆潤人也瑛慮其為變乃命王令百
工悉免今日工作遂放城而發懸門王入城聞其
事頗嘉之尋為兩浙副大使梁太祖拜為駙馬都尉
累授大將軍節度使同平章事公主未及降而薨年
三十一勅十二月王命子傳璟權蘇州刺史
贈太師

甲四年夏六月制授文穆王開國侯食邑秋七月廣

帥彭巖遣供軍巡官陳用拙奉禮幣請兄事王王納

之九月命文穆王率兵攻常州無錫縣獲將卒五百

餘人而還

乙亥貞明元年春正月朔改元大赦是月勅授文穆王

以下官爵有差甲午王親巡衣錦軍二月勅遣給事

中韋彖金部郎中李發選王子傳珎為駙馬都尉閏

二月己亥王至白衣錦軍

丙子二年春正月勅授浙東營田副使常州刺史杜建

徽為涇源節度使王命建徽護送傳珎進京秋七月

勅授王為諸道兵馬元帥冬十二月王命恩州防禦

使弟鐸率官吏僧眾詣明州鄞縣阿育山寺迎釋迦

舍利塔歸于府城仍建浮圖于城南以致之浮圖凡九層八

面高三百七十尺中外皆通旋繞其制度形勢皆出王之心匠焉

丁丑三年春三月勅授王子贊正安國功臣鎮海軍北

面水陸都指揮使金紫光祿大夫檢校太保守湖州

刺史大彭縣開國子食邑五百戶傳璟贊正安國功

臣鎮東軍節度副使土客諸軍都指揮使兼北面行

軍招討光祿大夫檢校太保守蘇州刺史大彭郡侯

食邑一千戶傳璪贊正安國功臣鎮海軍節度副使

土客諸軍都指揮使金紫光祿大夫檢校太保大彭

縣開國侯食邑一千戶傳球贊正安國功臣鎮東軍

東面水陸安撫都指揮使光祿大夫檢校太保守溫

州刺史大彭縣男食邑三百戶傳璿贊正安國功臣
鎮東軍西面安撫都指揮使光祿大夫檢校太保守
睦州刺史大彭縣男食邑三百戶傳璿贊正安國功
臣鎮東軍親從都指揮使兼土客諸軍安撫副指揮
使銀青光祿大夫檢校司徒守賓州刺史傳瓘贊正
安國功臣鎮海軍上右廳都指揮使兼土客諸軍安
撫副指揮使金紫光祿大夫檢校司徒前明州刺史
元球贊正安國功臣衣錦軍防遏都指揮使金紫光
祿大夫檢校司空守義州刺史傳琇贊正安國功臣
鎮海軍衙內先鋒指揮使金紫光祿大夫檢校司空

守峯州刺史傳珣贊正安國功臣鎮海軍節度上押
衙克安國衣錦軍親從副指揮使兼兩直都虞候金
紫光祿大夫檢校尚書右僕射守巒州刺史傳琰贊
正安國功臣鎮海軍節度右押衙克上直都知兵馬
使銀青光祿大夫檢校尚書左僕射傳璠等十一人
各授官秩階爵及遙郡有差夏四月詔諸道兵馬元
帥府開幕除吏一同天策上將軍府故事是月復以
峯州刺史傳珣守檢校太保餘如故冬十月勅遣吏
部尚書李燕中書舍人韋說授王天下兵馬都元帥
是月黃龍現於卞山之金井洞命立瑞應宮一作祥
應宮

戊寅四年春三月朔四星聚斗王置元帥府僚等官勅授兩浙行軍司馬秦州節度使平章事馬綽守檢校太尉同平章事行軍餘如故夏四月廣帥彭城巖僭稱大漢皇帝年號大有一進士王詡之在南海著昭陽賦八歲矣甲子春始作茲殿計其甲子則巖本年僭號今據皮氏舊錄而書之云前年丁丑僭號其誤明矣六月西川王建殂子衍嗣改元乾德是月王命子元球權衢州刺史命鮑君福等率兵攻信州斬淮將李師造生擒偏將馮一一作敏等一千餘人刺史周本僅以身免秋八月制授涇源節度使杜建徽守檢校太傅同平章事冬十二月淮人圍虔州將絕我貢路刺

史盧光僞來告王命徵兵援之未及境而虔州拔矣航海入貢自此始也

已卯五年春三月勅文穆王伐淮南夏四月淮帥楊渭又名隆演僭稱大吳皇帝年號武義文穆王率師與淮人戰於狼山之江大敗淮人斬賊將百勝軍使彭彥章生獲士卒七千餘人制以湖州刺史大彭縣開國子王子傳璟為宣州寧國軍節度使同平章事秋七月我師復攻毘陵因戰於無錫指揮使何逢吳建死之遂班師八月淮人以狼山之敗遣偽客省使歐陽汧來請通好王納之息民故也自是休兵民樂業二十餘年九月朝廷以

南海僭號詔我師伐之

天制曰朕聞綱紀亂常前王無赦懲惡勸善有國不私苟罪惡以顯彰在刑名而何逭其有身當閭閻寄受國恩敢行不軌之心具驗速辜之跡頒行典憲仍命誥清海建武等軍節度使嶺南東西道觀察處置供軍糧料市舟等使開府儀同三司檢校太保兼中書令持節都督廣州刺史上柱國南平王食邑五千戶

彭城

巖頃因乃父發跡本藩尋賴其

兄致身賓席受先朝之拔擢極上將之寵權念其

尊獎之誠許繼藩宣之任巖乃自行軍之職繼膺

推轂之恩秩進三師位同四輔自朕獲承大寶累進崇資一門無比其超榮百世豈疇其寵耀而敢飛章不紀希寵無厭始求抑紀四鄰後請封王南越貪饕斯甚踰僭偕朕每含容再申優渥授之秉鎮加以南平比罔思知足益恣兇狂妄稱漢室遺宗欲繼尉陀醜跡結連淮海阻塞梯航徒惑遠方僭稱大號在人情而共棄豈天道以能容宜命討除用清逆亂爾天下兵馬都元帥錢志扶廟社任總兵師每興憤激之辭願舉誅夷之令是用俾予元老平彼叛臣先行奪爵之文爰舉摧克之典

其城彭巖在身官爵並宜削奪仍委指揮征討於戲

將相重任子孫殊榮不能常守於藩修而乃自干

於國典指克殘而必取念染污以將新非我無始

終之恩蓋爾有滿盈之罪凡百珍重悉體朕懷

王雖受命而山川隔越地方擾攘請以事寢冬十一

月丁亥吳越國正德夫人吳氏薨夫人臨安縣人也

判官累贈吏部尚書初王議婚吳氏以王豁達大度

不事產業將不許而吳世父有知人之鑒固促成之

及歸室閨門整肅孝敬如禮王性嚴急嘗怡顏以諫

之撫愛諸子無分彼此之親累封燕晉二國至吳越

國正德夫人王女捨出家因建奉國寺成夫人將遊

之王乃命帛百匹以備散施夫人曰妾備嘗機杼之

勞遽以遊賞費之非念人之道遂不受而夫人謚曰

罷其行其仁慈節儉如此薨年六十二歲

莊穆有子十人

庚辰六年春二月勅授宣州節度使同平章事王子傳

璟以下並起復雲麾將軍上右金吾衛大將軍員外

置同正員餘並如故三月王命元帥府判官皮光業

使于邗溝夏五月淮南楊渭殂弟溥嗣偽謚渭為宣

皇帝秋七月王以子睦州刺史傳懿為婺州刺史

辛巳七年春三月王從弟鑑至自淮南王亦歸李濤以

報之鑑以天祐二年睦州之役為賊所執李濤以夏

五月朔梁帝祀郊改元龍德六月朔日有蝕之秋七

月潭州楚王馬殷遣掌書記李峴馬匡送女歸于都

知兵馬使檢校尚書左僕射王子傳瓚冬十月制授
文穆王檢校太傅同中書門下平章事克清海軍節
度使自是賜王書詔不名

壬午龍德二年春正月勅授文穆王以下並起復加爵

邑有差秋七月王建天下元帥府于吳國門之右八

月兩浙行軍司馬秦州雄武軍節度使同平章事馬

綽卒綽餘抗縣人也性氣淳直與王同事董昌昌嘗

使王閱部伍亡其名籍王因歷唱之存亡健悴

者無所遺失綽密謂王曰老氏忌前駭此強記必相

惡乃以白籍紙數幅授王若代軍籍者由是頗德之

王因以從妹歸綽綽尋隨董氏於越及董僭號綽棄

家先奔于王乃舉奏授諸城都指揮使徐綽之亂綽

有發懸門之功王尋命文穆王納綽女是為恭穆夫

人綽累職鎮東軍節度副使兩浙行軍司馬睦州刺

史王奏授秦州雄武軍節度是冬一日王晝寢夢青

使同平章事卒年七十一衣人捧簿書于前告曰大王明年錢塘官滿及寤頗

惡之明年天子乃命王封冊中外癸未三年春二月勅遣兵部侍郎崔擘一作刑部員外

郎夏侯昭冊封王為吳越國王受封冊建國之儀一

如典禮先一日雨雪王命李咸將卜他日成曰大王

雙受封冊惟天所相雨雪必霽則可以卜社稷之延

永王從之即夕果星斗明麗翌日遂成其禮王建國

稱多如天子之制惟不改元置百官丞相客省等使四月唐莊宗即位于魏州
大赦改元同光是月梁亡駕入洛陽因都焉邠溝入

賀京師上書稱大吳國主乾寧中有耕者得傳國璽以獻于王王謂非人臣家所宜畜至是獻焉五月勅遣宣諭使通事舍人吳韜走馬自淮甸至賜王名馬玉帶香藥等先是梁室詔勅不名至是依前不名亦曰吳越國王焉冬十月朔日有蝕之十二月唐帝遷都洛陽

甲申同光二年春二月唐帝南郊大赦二月癸卯金吾

衛大將軍置同正員檢校司空明州刺史王子傳瓚

卒瓚王第八子也母濟南郡夫人童氏瓚性仁厚明敏好學治郡自得政體累授鎮東軍親巡都指揮

土客諸軍安撫使光祿大夫實州刺史奏授金吾大將軍員外置同正員檢校司空改明州刺史餘姚侯

三十終年惜哉秋七月西川王衍稱大蜀皇帝致書于京

師八月王遣使入貢冬十月制授王依前天下兵馬

都元帥尚父尚書令吳越國王授文穆王檢校太師

兼中書令克兩浙節度使觀察留後十一月陞蘇州

為中吳軍制授鎮東軍節度檢校太保兼中書令大

彭郡侯王子傳瑋一作元瑋克中吳軍節度使

乙酉三年春二月南海入賀京師上書自稱大漢國主

夏四月朔日有蝕之秋八月勅遣正議大夫守尚書

上柱國贊皇郡開國男賜紫金魚袋李德休等持節

備禮賜王金印玉冊及沿身禮物衣冠劍履等

前冊曰維同光三年歲次乙酉八月辛酉朔二十七
上日丁亥皇帝若曰王者惠濟黎元輯寧方夏重名
夏器任股肱忠而能力則禮崇賞不失勞則人勸所
以啟周公之士宇列漢祖之膏腴者錄彼茂勳寘
諸異數登進賢哲輝耀事功者也天下兵馬都元
帥尚父守尚書令吳越國王錢朝海靈源承天
峻嶽以英風彰德望以勇氣贊忠貞往因義舉之
徒盛推韜畧遂著襲封之績高步藩維挺魚鯤鳥
鳳之姿擁岸虎水龍之衆居方面任將五十年宣
導休聲攘除兇醜摧堅奮銳鄙許東固圍之謀阜
俗頌條廣冀北安居之頌環塹浙江之要雲滋星
紀之墟閱禮敦詩位崇元帥前茅後勁名重中權
守畫一之規奉在三之節信立靡移於風雨義行
曷倦於津塗効珍則那顧險難薦幣則常歸宰府
振英瀆而端右弼鍾懿號而異列藩可謂職貢不
乏梯航時至翼戴天子加之以恭也載念尊獎爰
示徽章今遣正議大夫守尚書吏部侍郎上柱國
贊皇縣開國男食邑三百戶賜紫金魚袋李德休
使副朝議郎守起居郎克史館修撰賜緋魚袋聶
與持節備禮胙土苴茅冊爾為吳越國王於戲地

奄數圻賦過千乘墨守闔閭之境範圍勾踐之封子弟量才序進多分於檠戟土疆漸海方輸豈限於魚鹽責盛富強五百雖古之封建諸侯禮優夾輔不加於此慎厥始終無以位期驕無以欲敗度欽承賜履協予一人汝嘉以奉山澤金車時唐帝將議恩命於王顧群臣曰朕從黷堂即聞尚父之名宜以優禮尊之命備冊禮有司仍備竹冊銅印唐帝曰尚父元老不當待以人臣况已封建乎乃賜玉冊金印仍以紅袍御服一副賜焉九月王大舉兵師伐蜀冬十一月蜀僞王王衍降是月制授土客

諸軍都指揮檢校太保兼鎮海軍節度副使王子元球守檢校太尉兼侍中充靜海軍節度使是月闔王

王審知殂子延翰嗣自稱閩國主置閩南江統軍

丙四年夏四月戊寅王不康如衣錦軍命文穆王監

國是月莊宗崩明宗即位大赦改元天成秋七月庚

寅王至白衣錦軍八月朔日有蝕之九月制加文穆

王食邑一千戶實封一百戶又授中吳軍節度使王

子元璟開府儀同三司加食邑五百戶冬十二月制

授靜海軍節度使王子元球開府儀同三司食邑五

百戶是月建州刺史王延稟殺其弟延翰一名而立

泉州刺史延均於福州

延稟乃延均之庶兄也同起兵攻殺延翰延稟乃立延均

于福州而延稟歸建州矣是歲大水蘇州尤甚水中生米大如豈

民取食之

丁天成二年春正月唐帝更名亶夏六月楚武穆王

馬殷建國秋八月朔日有蝕之冬十月車駕如汴是

月淮南偽丞相東海徐溫卒子知誥嗣十一月吳王

楊溥稱帝

子三年春二月朔日有蝕之勅遣監門衛上將軍烏

昭遇賜王湯藥國信等閣門通事李韞授文穆王鎮

東西軍節度使夏六月以來大旱有蝗蔽日而飛晝

為之黑庭戶衣帳悉克塞之王親祀于都會堂是夕

大風蝗墮浙江而死

都會堂即白太傅居易之虛白堂基也王重建之號八會亭江

東羅隱為之記以王平吳定越講武計議凡八會於此故名之後更名都會堂也

秋七月已忠獻王生

四年春二月制授文穆王抗越等州大都督府長

史增食邑實封中吳軍節度使王子元璟增食邑五

百戶實封一百戶靜海軍節度使王子元球兼中書

令餘並如故楚州陞為順化軍以明州刺史王子元

珣為順化軍節度使秋七月台州大水請軍儲三十

萬斛八月已酉今大元帥吳越國王王孫弘倣生是

月明州餘姚縣修舜井獲古佛舍利數十粒兼有珠
玉奇玩王命內衙指揮使徐仁綬近侍閭丘稔往迎
之因建浮圖於城北一如城南之制九月因樞密使
安重誨兄弟用事于朝嘗要求不克乃矯制以王為
太師致仕仍賜烏昭遇自盡先是烏昭遇之來使也
元球思命至致性兇悞因恃酒凌昭遇由是有隙王
以其辱君命止以常禮遣之致還京師遂構昭遇於
樞密重誨重誨以昭遇失使臣之體而亦慊王以要
求不克誣王不禮君命遂同諛構命王致仕賜昭遇
自盡王命文穆王奏雪其事奏不得通乃以綰書上之
天子始得聞焉出安重誨為河中節度使是歲所在
地震居人有壞廬舍者

庚寅五年春二月唐帝南郊大赦改元長興元年夏五
月制授文穆王以下食邑實封郊裡普恩也六月朔
日有蝕之冬十一月楚王馬殷殂子希聲嗣

辛卯長興二年春二月勅遣監門衛上將軍張錢兵部
郎中盧重賜王國信湯藥起王致仕復元帥尚書令
吳越國王如故依前不名仍示安重誨矯誣之罪
其勅畧曰天下兵馬都元帥尚父尚書令吳越國
王錢 久列王公恒輸愛戴朕方禮加元老恩遇
遠方安重誨掇彼瑕疵遽行阻絕退其權勢彼使
錢元瓘拜闕上章傾懷請罪言皆激切事且憑虛

盡由爾介蠱之心有誤我含容之德情不可恕罪
不可逭宜出為河東節度今已誅之以雪其冤故

告

秋七月有象入信安境王命兵士取之圈而育焉八
月建州王延稟子繼昇繼倫奔于我蓋其父為延均
之所害也初審知薨延翰嗣位以延稟為建州延均
是泉建州同起兵攻福州殺延翰遂立延均於延
稟歸建州將行謂延均曰善紹先人基業勿煩我老
兄再至延均聞之含憾至是將圖延稟乃詐言已死
使軍吏迎取延稟乃於其子繼雄仍執延稟入城延
均曰果煩老兄再至矣延稟瞪之而就
戮繼昇繼倫自建聞難而奔于王焉
日有蝕之

壬辰三年春二月遣吏部侍郎盧詹刑部郎中楊薰賜

王國信湯藥等三月巳酉夜大雪庚戌王薨于正寢

年八十一在位四十一年朝廷聞訃廢朝七日哀悼

不已

詔曰天下兵馬大元帥尚父尚書令吳越國王錢

本朝元老當代勲賢位已極於人臣名素高於

簡冊贈典既無其官爵易名宜示其優崇宜令所

司定謚曰武肅詔工部尚書楊凝式為碑文由吳

夏四月庚午奉靈輜殯于衣錦軍應順元年甲午春

正月壬午勅葬王於安國縣衣錦鄉即錦茅山之原

即今臨
安縣也

王始在軍中未嘗自安每欲斲憇必先整衣甲盥
漱而後寢焉又以圓木小枕綴鈴睡熟則歌由是
而寤名曰警枕又置粉盤于卧內有所記則書之
及撫鎮二國殆及四紀勤勞恭儉始終一致每夕
必列侍女各主一更戒之曰外有報事當振鈴聲
不以為警省凡有聞報即時而遣又嘗以彈丸墻樓
平之外以警宿直者使其不寐以應其事又嘗微行
王夜扣北城門吏不肯啟閤曰大王來我亦不啟王
乃自便門而入明日召吏厚賜之稍暇則命諸子

孫諷誦詩賦或以所製詩什賜於丞相將吏以下
由是往往達旦天福中近侍李詠因監契丹驛中
有判官謂李詠曰武肅王嘗夜不睡詠詰其所知
荅曰嘗聞五臺王子太師言浙中不睡龍今已歸
矣訪其所聞乃壬辰之後也王少時倜儻有大度
志氣雄傑機謀沉遠善用長弩又能書寫甚
得體要有知人之鑒及通圖緯之學每處衆中而
神形有餘純孝之道稟於天性每春秋薦享必嗚
咽流涕嘗曰今日貴盛皆由積善所致但恨祖母
不能見耳嘗于後建層樓皇妣春秋高不能上王

親負而登焉天祐以後中原多事西川王氏稱蜀
邗溝楊氏稱吳廣南彭城氏稱漢長溪王氏稱閩皆
竊大號或通姻戚或達娉好皆以龍衣玉冊洎書
疏等勸王自大王嘗笑曰此兒輩自坐爐炭之上
而又踞于上耶吾以去偽平賊承天子疇庸之命
至于封建車服之制悉有所由豈圖一時之事乃
隨波於爾輩也皆却之而不納而諸國之主無不
咸以父兄事之王加以自奉節儉衣服衾被皆用
紬布非公宴惟甕尊漆器而已恭穆夫人嘗以王
寢帳墮裂乃上青絹帳請易之王曰作法於儉猶

恐其奢但慮後代皆施錦繡耳此帳雖故猶可蔽
風竟不易後庭有鄭氏其父嘗以罪當死左右冀
其獲宥且言斯人有息女與侍王命出其女而後
斬之顧左右刑者曰公柄豈可以一婦人而亂我
法耶又嘗夕宴諸王子及諸孫命鼓胡琴未數曲
遽止之曰外聞當謂我不恤政事為長夜之飲宴
遂罷王自開創以來至于底定而撫字將帥洎行
伍莫不盡得其歡心有勲將何逢歿於賊中一日
王見其所乘馬悲泣不能止左右莫不感激
論曰王挺命世之才屬艱難之運奮臂起義所向

披靡以寡敵衆黃巢不犯其封仗順伐逆漢宏至
於授首誅逐帥之薛朗遂申屬郡之禮平作偽之
董昌不違本朝之命加以禦淮戎以耀威奉梁室
而示畧迴江山之深險致都邑之宏麗七者克備
五福是臻故八輔地圖三授大冊總四海之戎柄
為一人之父師威名赫然霸業隆矣然後內敦恭
儉外正刑賞安民和衆保定功勳文臺崛起于江
東玄德雄據于巴右比之全德固不足同年而語
哉

吳越備史卷第一

吳越備史卷第二

武勝軍節度使掌書記范垌 武勝軍節度巡官林禹撰

文穆王

文穆王諱元瓘字明寶武肅王第七子也母晉國昭
懿太夫人陳氏唐光啟三年丁未冬十一月十有二

日生于杭州之東院先是有胡僧持一玉羊

大可數寸光彩

異以獻武肅王且曰得此當生貴子王果以丁未生

焉乾寧元年二月授鹽鐵發運巡官奏授金部郎中

賜金紫天復元年八月改授禮部尚書遙領邵州刺

史九月壬子王祖妣秦國太夫人水丘氏薨二年徐

綰許再思搆宣城觀察使田頔同劇我壘頔敗率徐
綰再思回宣州慮我師逐之乃懇質武肅王王歷選
諸子不應命時王尚幼請行莊穆夫人聞之泣曰置
我兒於虎口也王曰亡身以紓國家之難亦足以報
劬勞耳雖死無恨乃再拜而出武肅王竒而送之王
自北門躡繩梯而下以赴頔營初頔附於淮人及還
宣城而頔叛淮帥會我師以攻之頔每戰不勝歸必
求王將肆其毒頔母老且賢常加保護天祐元年十
月我師與淮人攻之甚急頔將出戰乃曰今日不勝
必殺錢郎其母目而送之且曰鼠輩死不旋踵矣是

日果陷於宛水橋為亂兵所殺賊衆尚擾我師提頔
首以示之賊衆遁散頔母遂奉王歸我師衛而歸焉

二年春正月制授王檢校右僕射八月處州刺史盧

約弟佶寇永嘉開平元年正月武肅王命王伐永嘉

四月斬盧佶而還時盧佶列巨舟四十艘于清渙海

卒盡在此矣宜勿與戰當有他道徑襲賊壘出其不
意必成禽也於是固江登陸而襲之佶由是就
執師還承制改王衙內都指揮使檢校尚書右僕射

冬十月授王金紫光祿大夫檢校司空五年秋七月

賜號王贊正安國功臣進授司徒守湖州刺史乾化

三年夏四月淮將前吉州刺史李濤率兵二萬自千

秋嶺寇我衣錦軍武肅命王率師討之王以山谷迂僻乃盡伐樹木絕其歸路為三覆以待之時江南國主徐知誥在賊中與王騎相逼僅獲之俄而知誥易服乘白驪而竄壬辰獲李濤及偏將咸知進等八千餘人兵甲生口稱是是行也王營中有氣如龍虎之狀賊中望之有曰此霸者之氣也五月王復率騎兵攻宣州廣德縣城未拔有登城詬辱我師王怒奮擊之六月己卯城陷王手刃二百餘人藉藁而行獲將花虔渴信及吏卒七十餘人殺戮凡二萬四千而還先是有日者視王曰公手刃百人中衣紙住廣德山院王至衆皆遁而自新當大貴時又有僧名自新常中有詰其不去者自新曰前後左右皆兵耳去將安

適時王在衆中自新忽見之乃斂衣奉迎與語久之及王還遂載而歸後王問自新當時何以見識自新曰微僧無他術但觀王在萬衆中骨法獨異與咸通皇帝御容頗相類故前幸得一識也冬十月勅授王檢校太保依前湖州刺史大彭縣開國男食邑三百戶四年夏六月制授王特進光祿大夫開國侯食邑一千戶秋九月王率師攻常州無錫縣丁未克之獲其將朱超等五百餘人而還真明元年春正月勅授王鎮海軍節度使土客諸軍都指揮使湖州刺史如故三年夏六月制加王檢校太傅增食邑五百戶五年夏四月王率水師大小戰艦五百餘艘皆刻龍形自東州發艦徑伐淮甸時淮南遣將彭彥章

陳汾等大戰於狼山江將戰之夕王召指揮使張從
寶計之曰彼若徑下當避其初以誘之制勝之道也
乃命軍中宿理帆檣每舟必載石灰黑豆江砂以隨
焉翌日昧爽淮人果乘風自西北而下危檣巨艦勢
若雲合我師皆避之賊舟既高且巨不能復上我師
反乘風以逐之復用小舟圍其左右賊迴舟而鬪因
揚石灰賊不能視及軸轆相接乃撒豆於賊舟我舟
則砂焉戰血既漬踐豆者靡不顛踣命進火油焚之
火油得之海南大食國以鐵筒發之水沃其焰彌盛
武肅王以銀飾其筒口脫為賊中所得必剝銀而棄
其筒則火油不斬其將百勝軍使彭彥章一作獲士
為賊所有也

卒七千餘人賊船四百餘艘餘皆焚之其斬馘之甚
自江及岸數十里皆殷焉淮師自是遂求通聘王之
是行

也舟吹狼山江之石牌灣有石幢大署其文
曰向後有木龍五百來至此真聖其勝也秋七月

王復戰於毘陵之無錫縣偏將曾雲奔于賊我師不
利王騎逼高岸賊將追及乃舉策私誓曰天必助我
馬當躍上不然則墜我於此馬果一躍而登岸既而
復整行伍破賊而還冬十一月丁亥王妣吳越國莊
穆夫人薨六年冬十月勅遣衛尉卿兼通事舍人陳
琮授王檢校太傅同中書門下平章事克清海軍節
度使餘如故龍德二年春正月勅王特進檢校太尉

兼侍中加食邑三百戶仍賜匡扶定亂立正至道功
臣同光二年冬十月制授王開府儀同三司檢校太
師兼中書令依前清海軍節度使兼克兩浙節度使
觀察留後遣進奉使婁輯將命焉天成元年四月武
肅王不康因如衣錦軍命王監國仍俾便宜從事武
肅王至白衣錦軍而中外無所專命武肅王嘉嘆又
之九月制加王食邑一千戶實封一百戶一夕王夢
神人賡骨
一副易王項及醒尚痛焉三年春二月遣閣門通事舍人李韞授
王鎮海鎮東等軍節度使杭州越州大都督長史加
食邑一千戶實封二百戶秋七月己巳忠獻王生初武

肅王將屬王以冢嗣乃命諸子有功者數人謂曰爾
無隱情各言爾功以定厥後王兄中吳軍節度使元
璩王弟清海軍節度使元壽寧國軍節度使傳璟洎
諸公子等皆上言王功德高茂是宜委副故以兩鎮
屬焉及武肅寢疾一日命出王帶五賜王兄弟命王
先擇之王乃取其狹小者武肅王大悅謂王曰吾有
汝瞑目無恨矣四年秋八月己酉今大元帥吳越國王弘倣
生五年夏五月制加王食邑一千戶實封一百戶郊
恩也長興三年春三月己酉大雪二十八日庚戌武
肅王薨王哀痛終日四日不食左右勸以粥夏四月
己未王即位悉用藩服之儀從治命也赦境內凡一
應荒絕田產尚隸租籍者悉免之中外頒賚有差自
年孟春洎是月陰晦彌日及王是月庚午奉武肅王
親事之日至是澄霽中外咸悅

靈輜殯于衣錦軍之正寢秋八月楚帥馬希聲殂弟
希範嗣

癸巳四年春正月福州王延鈞僭稱帝更名璘三月勅
遣將作監李錯光祿少卿張裒來歸我先王之賵又
遣引進使楊彥珣授王起復雲麾將軍上金吾衛大
將軍員外置同正員王兄中吳軍節度使元璟檢校
太師兼中書令王弟清海軍節度使元壽檢校太傅
同中書門下平章事餘如故夏四月淮南偽客省使
許確百濟國太僕卿李仁旭各來祭我先王秋七月
勅遣郎中張絢授王中書令進封為吳王是月番禺

偽左僕射何瑱亦來祭我先王九月勅遣侍郎張文

寶來宣諭

文寶泛海而來被風壞船飄至天長吳主厚禮之及賞從者錢帛等數萬文寶獨受

飲食餘皆辭之吳主嘉之竟抵杭冬十一月明宗崩宋王從厚即位

是為閔帝十二月庚戌寧國軍節度使同平章事檢

校太傅王兄元機卒

機王之庶兄也母慶安夫人胡氏公性氣寬厚沉靜寡言多尚

儒釋不喜奢侈歷官數年黎庶安樂早失夫人終不繼娶嗣乏是歲順化軍節度使

判明州王弟元珣召歸錢塘懲虐政也

甲午應順元年春正月閔帝改元大赦敕遣鞍轡庫使

王延縞來宣告仍賜國信尋又遣散騎常侍孔昭序

駕部員外郎張縵冊王為吳越王是月大雪平地五

天壬午奉葬先王於茅山閏月蜀帥孟知祥僭稱大
蜀皇帝年號明得夏四月潞王從珂率兵入洛逐閔
帝而自立改元清泰六月勅遣給事中張延雍兵部
員外郎馬義冊王為吳越王秋七月僞蜀孟知祥殂
子景嗣
乙未清泰二年春三月制授靜海軍節度使檢校太保
中書令王弟元球守太師秋七月甲辰西方慶雲見
重建開元宮追福于先王也
丙申三年春正月勅遣禮部尚書李憚戶部郎中姚暹
齋奉吳越王金印至歸舊物也秋七月勅建先王廟

於東府是月制授王部將保順軍節度使鮑君福檢
校太尉同平章事冬十月僞閩王昶弑其父延鈞而
自立年號通文十一月契丹立石敬瑭為晉皇帝於
洛大赦改元天福潞王自殺十二月勅授王天下兵
馬副元帥
丁酉天福二年春正月朔日有蝕之勅遣供奉官周彥
環賜國信二月淮南以徐知誥為齊王建國于金陵
是月巳酉夜暴雨自西北起連日至壬子有海魚二
尾各長五十餘尺一死于桐廬一死于餘姚江三月
靜海軍節度使王弟元球順化軍節度使王弟元珣

並有罪命死王許以公禮葬其麾下卒伍悉宥之元
元珣數有軍功先王賜有兵仗及王立元球等恃恩
驕橫增置兵仗諸將吏告元球遣親信禱神求主吳
越又為蠟丸與元珣議謀王不信諸將復告王乃召
元球元珣宴後宮既至左右告元球等復有於懷袖
即皆格殺之王欲按諸將有交通者姪仁俊諫曰昔
光武破王郎曹公破袁紹皆焚其書疏以安反側宜
乃止王夏四月勅遣禮部尚書程遜兵部員外郎韋
稅封王為吳越國王仍賜天下兵馬副元帥金印一
面甲午王即位建國之儀一如同光故事仍赦境內
今年租稅之半是月晉主遷都于汴秋七月制削元
球元珣在身官爵任便處置八月辛巳王大閱于北
郊是月偽吳楊氏遜位于徐知誥戊申王新建五廟

于城南九月乙卯王親祀五廟冬十一月乙丑金陵
徐知誥僭稱大齊皇帝年號昇元

戊三年春正月朔日有蝕之二月乙亥吳越國丞相

沈崧卒贈謚文獻崧名字吉甫閩人也祖輅大理評
生時有大蛇墜林前引首視之又而方去既七日將
浴忽風雨震壞浴盆乾寧二年刑部尚書崔凝主禮
闡凡二十五人登進士第渝尤衆昭宗御武德殿
命翰林學士陸扆秘書監馮渥親覆試凡落十人是
日崧再以章奏捷尋歸寧途由淮甸淮帥辟之不就
遂歸武肅歷鎮海軍掌書記授浙西營田副使奏授
祕書監檢校兵部尚書右僕射凡書檄表奏多崧所
出莊宗即位改元同光武肅王問其祚脩短崧曰觀
此號為國不成止一口耳文穆王襲位置擇能院冬
十一月勅遣尚書左丞王延司門郎中張守素齋捧

吳越國王玉冊及沿身法物等至

冊曰維天福三年歲次戊戌十一月甲辰朔五日
戊申皇帝若曰王者握圖立極崇德報功或開國
以建邦或苴茅而襲爵乃樹藩屏式獎忠勲古先
哲王率由斯道唯朕薄德敢忽彝章况夫奠南服
之奧區鎮東甌之重地懋績雖高於列土殊榮未
繼於肯堂得不申加等之恩降非常之命用紀代
天之業特頒鏤玉之文乃擇吉辰爰敷盛典咨爾
興邦保運崇德志道功臣天下兵馬副元帥鎮海
鎮東等軍節度浙江東西等道管内觀察處置兼

兩浙鹽鐵制置發運營田等使開府儀同三司檢
校太師守中書令杭州越州大都督府長史上柱
國吳越國王食邑一萬五千戶實封一千五百戶
錢 嶽靈稟粹天象儲精蘊文武之兼才受乾
坤之間氣既寵承吳越功邁桓文運妙畧以平兇
用竒兵而制變祗嗣基構表率英雄淮夷之屏氣
銷聲海嶠之波澄浪息而况興我昌運竭乃忠規
懋勲庸而首列韓壇奉玉帛而誠先禹貢語尊獎
則獨標大節顧封崇則未稱鴻名宜舉徽章俾奉
先正矧其天文當南斗之分地志控句踐之都眷

茲舊封允屬全德是用異車服於羣后盛簡冊於
列藩正二國之土疆錫九天之寶瑞表予嘉命續
乃舊邦大振家聲夾輔王室今遣使大中大夫尚
書右丞上柱國賜紫金魚袋王延使副中散大夫
尚書司門郎中柱國賜紫金魚袋張守素持節備
禮冊爾為吳越國王於戲服袞衣而佩玄玉位壓
於諸侯駕戎輅而握兵符名尊於九代馭貴之重
象賢之榮爾其祗荷天光勉清國步往綏厥位永
孚於休戒之慎之勿忝前烈

十二月王大閱馬步軍泊樓船于碧波亭

巳四年春二月勅授世子弘傳為果州團練使是月

偽齊徐知誥改姓李更名昇僭稱太唐

父為安吉若將嘗因淮將李神福侵我吳興擄潘氏
而去昇遂為神福家奴徐溫嘗造神福家見而異之
求為養子至是乃隱本族而冒徐姓焉後嘗致書於
我以毘陵求易吳興仍引枋田為說則本潘氏明矣

秋七月朔日有蝕之閩王延義更名曦殺其主景而
自立年號永隆八月戊申王建世子府于城北是日

白龍見處州長松縣遂更為龍泉縣是月勅遣刑部

尚書李懌禮部郎中崔鈞授王天下兵馬元帥增食

邑五千戶實封五百戶仍賜御服紅羅真珠戰袍金

鎖甲各一副九月詔陞婺州為武勝軍授王兄元懿

為節度使是月保大軍節度使同叅相府事隆仁章

卒冬十月壬子吳越國莊睦夫人馬氏薨夫人臨安人也父淮

浙行軍司馬雄武軍節度使同平章事馬綽之

人天性聰慧勤於職初武肅王禁中外毋得蓄聲妓夫

人以王後嗣未立乃請於武肅王王嘉之曰我家宗

祀幸汝得主之矣因而許王納妾遂生忠獻王諸子

既長夫人皆均養之常置銀鹿于帳前坐諸公子於

上夫夫人閱其聚戲喜動顏色初封越國至吳越國夫

人薨年五勅謚曰恭穆十二月辛酉葬恭穆夫人于

衣錦軍慶仙鄉

庚子五年春二月甲辰温州刺史王子弘僕卒是月閩

王曦遣兵擊其弟王延政于建州遂僭稱大殷皇帝

王命內衙統軍使仰詮都監使薛萬忠帥師伐建州

三月勅陞婺州為武勝軍又陞嘉興縣為秀州以嘉

興崇德華亭三縣隸焉是月勅遣右諫議大夫高延

賞兵部郎中李元龜授王天下兵馬都元帥夏四月

癸卯鎮海軍行軍司馬兼侍中同平章事太尉鮑君

福卒君福字慶臣餘姚縣人也祖興父璨俱不仕少

每恣卧其上而無畏色又能為馬上舞雙劍鄉黨

之及從軍以驍果稱初事婁漢宏及武肅王東討乃

與其黨歸降號曰飛電沉少語軍中謂之鮑關尋

雙劍入陣望之若飛電沉少語軍中謂之鮑關尋

為衢州應援指揮使屬刺史陳章叛淮人入其境乃

以淮師命辟為郡君福不納武肅聞之患其被害

乃密賜絹書使荀從之因與賊徒季元嗣飲同其醉

乃奔歸尋授衢州刺史准將信州刺史周本屢侵其

境君福每率數騎往逐之本遁去及將罷郡武肅王

勞曰比在任戰敵而已未足為副使優賀之道因復

任之凡三考文穆王領清海軍節制辟為副使後遷
湖州復二考累職鎮海軍節度副使浙西行營司馬
奏授登州刺史保大保順等軍節度使檢校太尉同平章事兼侍中卒年七十七歲勅謚曰忠
壯是月甲子世子弘傳薨弘傳王第五子也母魯國夫人郈氏時王年將四十
冢嗣未建及生特所鍾愛累奏授兩浙副大使果州
團練使國建立為世子初王治卅子府謠言曰何處
有鹿脯將薨乃題數所居屏障曰四月二十六日
大會群仙凡題數處及期果薨年方十六歲追謚
曰孝獻五月四星聚斗秋七月我師敗於建陽積雨
乏糧故也八月王以世子府為瑤臺院冬十二月以
忠獻王為內衙諸軍都指揮使是歲姑蘇吳興嘉禾
三郡大水

辛丑六年春三月丙寅勅遣太子賓客聶延祚吏部郎

中廬撰冊授王守尚書令此亦作五年冊也夏五月番

禹婁龔遣偽攝太尉工部侍郎盧膺尚儀謝宜清尚

衣高素清來逆我故王弟傳璠之室馬氏以為繼室

不克遣馬氏即潭帥楚王殷之女也先是番禺亦聘

中軍使歐陽練與廣使俱至馬氏誓不許故不克遣六月寧國軍節度使同叅

相府事仰詮卒秋七月甲戌麗春院火延于內城王

遷居瑤臺院是月閩王曦稱大閩皇帝八月辛亥王

薨於瑤臺院之綵雲樓年五十五在位十年贈謚曰

文穆勅宰相和凝撰神道碑七年壬寅二月癸卯葬

于國城龍山之南原

王志量恢廓識度宏遠雖少嬰軍旅尤尚儒學事武肅孝敬小心未嘗有懈武肅性既嚴急每一召即時須至或巾帶於步驟間乃致闊袴大襪以便之晚年政事一委叅決簿書填委皆躬親批署手為胼胝復致粉盤於卧榻之間夜有所記必書其上詰旦以備顧問時屬盜賊及詐偽誹謗之法犯者輒死王皆力救之所護宥者甚衆嘗北征師次平望蚊蚋尤甚左右請施帷帳王曰三軍皆在此我獨何避竟不許及續嗣之後示以明恕人情翕然內衙指揮使陸仁章婁仁杞等早備武肅王爪

牙以性剛愎為衆所惡而亦嘗以事侵王一日同列者皆率諸軍於國門請王戮之王命侄仁俊諭之曰仁章等事先王有年矣今求舊念功方當旌賞汝等遂以私憾使我戮之我安為爾報怨也苟不聽命我當歸臨安以避賢路衆皆退懼遂授仁章福州刺史仁杞湖州刺史中外有以封章相構者皆居中不下積而毀之王舅陳氏列職不過一戍過每加厚賜而未嘗遷授恭穆夫人之弟馬克嘗以使役求免王庭責之遂下獄黜於剡溪其餘遵守治命保慎名器烈祖之風為不泯矣一日武

肅王寢疾召將吏曰吾疾必不起諸兒皆愚劣誰
可為帥者諸將泣曰兩鎮令公仁孝有功孰不愛
戴武肅乃出印鑰授王曰將吏推爾宜善守之又
曰子孫善事中國勿以易姓廢事大之禮王與兄
弟同幄行喪內衙指揮使陸仁章曰令公嗣先王
霸業將吏旦暮趨謁當與諸公子異處乃命主者
更設一幄扶王居之禁諸公子從者無得妄入武
肅未薨時仁章常以事犯王至是王勞之仁章曰
先王在位仁章不知事令公今日盡節令公猶事
先王也王嘉之王以遺命去儀用藩鎮法除民

田荒絕者租稅王於兄弟甚厚兄元璟自蘇州入
見王以家人禮事之奉觴為壽曰此兄之位也而
小弟居之是兄賜之也元璟曰先王擇賢而立之
君臣位定當恭守霸業自為珍重王因相與泣
論曰王以英毅之資兼仁厚之德入田頔豺狼之
穴示亡身之慮破知誥蛇豕之群揚對敵之威奮
劍屢成其大勳歷紐遂當其慶嗣念功忘過崇德
布政然後聿修先烈光紹世官天子賴于元勳諸
侯奉為盟主以稱克家之令嗣以號列國之賢君
則彤弓緇衣不足侔其美也

吳越備史卷第二

武勝軍節度使掌書記范垫

武勝軍節度使巡官林禹撰

忠獻王諱弘佐字玄祐文穆王第六子也

母吳越國仁惠夫人許氏王以天成三年七月二十六日巳巳

生於功臣堂初孝獻世子之居監撫也文穆王治其

府於城北將俾居之一日孝獻會王以來戲於青史

樓遽謂王曰君王方為我營府署今與爾賭之比及

四擲而王遂得六赤孝獻失色王從容曰五哥入府

諱當將符印之命因再拜孝獻竟怒擲骰盆於樓下

吳越備史卷第三

武勝軍節度使掌書記范垫 武勝軍節度巡官林禹撰

忠獻王 忠讓王附

忠獻王諱弘佐字玄祐文穆王第六子也母吳越國

仁惠夫人許氏王以天成三年七月二十六日巳巳

生於功臣堂初孝獻世子之居監撫也文穆王治其

府於城北將俾居之一日孝獻會王以來戲於青史

樓遽謂王曰君王方為我營府署今與爾賭之比及

四擲而王遂得六赤孝獻失色王從容曰五哥入府

諱當將符印之命因再拜孝獻竟怒擲骰盆於樓下

俄而孝獻薨王授兩軍節度副使檢校太傅天福六年秋八月諸將請誅內衙指揮使戴暉暉乃王庶兄謀立弘侑故請誅之免弘侑為庶人更名罪其異志也是月王以遺命承制授兩軍節度使九月庚申王即位于仙居堂赦境內外班賚有差及租稅等丞相曹仲達攝政事是月辛未王遷于思政堂命境內給復一年諸關梁禁制悉從除減又命田園有隸道宮佛寺比入賦稅者悉免冬十月長星見十一月金陵來祭我先王是月勅授王起復鎮國大將軍右金吾衛上將軍員外置同正員領鎮海鎮東等軍節度檢校太師兼中書令吳越國

王食邑一萬戶實封一千戶仍賜保邦宣化忠正功

臣是歲番禺婁夔殂子弘晟嗣

壬七年春正月閩人來祭我先王二月癸卯勅葬先

王子龍山之南原三月勅遣使太中大夫李鶚來歸

文穆王贈乙丑中吳建武等軍節度使廣陵王世父

元璿殂子文奉嗣元璿字德輝武肅王第四子也起

度判官累遷散騎常侍賜金紫尋屬軍旅事乃改授

馬軍廳事指揮使天福二年徐綰叛顧全武請奉王

子之邦溝武肅以淮帥常請結姻好乃遣元璿微服

為全武僕而去比及望亭有逆旅媪識之至潤州

安仁義亦知其非常將其下十人易之全武懼因賂

閹吏中宵而去及抵邦溝指陳逆順之理淮帥為之

動容嘆曰生子當如錢郎吾之子狔犬耳即日遣使

命顯還軍廣陵尋迎婦而歸後累征縉雲新定皆有

年號保大閩富沙王延政稱帝國號殷是月漢城彭弘
熙弒主玠而自立夏四月朔日有蝕之秋七月王貶
內衙都監使章德安于處州李文慶于睦州冬十月
勅遣使授王吳越國王冊

冊曰維天福八年歲次癸卯十月丙午朔六日辛
亥皇帝若曰在天成象拱辰分將相之星惟帝念
功啟土列侯王之國朕所以法昊穹而光宅稽典
禮以疏封而况世著大勲時推令器探寶符而嗣
位杖金鉞以宣威羽翼天朝藩籬東夏宜列諸侯
之上特隆一字之封簡自朕心協於輿論茲爾保

邦宣化忠正翊戴功臣起復鎮國大將軍右金吾
衛上將軍員外置同正員檢校太師兼中書令杭
州越州大都督克鎮海鎮東等軍節度浙江東西
等道管内觀察處置兼兩浙鹽鐵制置發運營田
等使上柱國吳越國王食邑一萬七千戶實封四
千戶錢 為時之瑞命世而生負經文緯武之
才蘊開物成務之志英華發外精義入神亞夫繼
社稷之勲顧榮擅東南之美春言祖考志奉國朝
清吳越之士疆執桓文之弓矢天資厥德代有其
人荷基構以克家事梯航而述職殊庸斯在信史

有光是舉彞章爰行盛典土茅符節方推翼世之
賢黻冕輅車更重策勲之禮斯為異數允屬真王
今遣光祿大夫檢校司徒行太子賓客上柱國太
原縣開國男食邑三百戶王玫使副正議大夫行
尚書吏部郎中柱國賜紫金魚袋趙熙等持節備
禮冊爾為吳越國王於戲周寵元臣四履錫命漢
封異姓八國始王指河嶽以誓功俾子孫而襲爵
爾續服舊業朕考前文勿忘必復之言更廣無窮
之祚懋昭前烈爾惟欽哉

十一月辛巳王遷于功臣堂是月癸未吳越丞相曹

仲達卒仲達臨平人也本名弘達避王名更之祖信
為臨平鎮將八都建時信因保嘉興東介遂家臨平
焉父圭浙江西道營田副使檢校太尉圭將生時信
夢人曰我當為爾生子有二千石信語夢於鄉黨鄉黨
不能諭皆賀曰生此子必致豐稔圭有膽氣乾寧中
淮人圍嘉禾圭與其族人不可圖也圭每與師魯登樓
此孤城中有異人復圍蘇州屬正月望夜師魯第盛
縱飲矢石交至視之宴如也圭禾平圭以功授蘇州
刺史開平間淮人復圍蘇州屬正月望夜師魯第盛
陳燒燈之宴賊之俘執者咸縱之觀圭終蘇州師魯
形短而足跛武肅嘗稱之曰今縱之觀圭終蘇州師魯
為曹晏嬰竟卒於鎮東軍都押衙仲達初生室有紫
光少學圭常節其衣食雖嚴冬尚未挾續品膳悉與
僕吏等同日令運甃圭在姑蘇時與仲達求婚於睦
州陳詢及將運下之曰陳氏親見而奇之當聘他門由睦
是榮貴既而途由國城武肅王親見而奇之當聘他門由睦
儷焉累授台處二州刺史肅王親見而奇之當聘他門由睦
權知政事國建拜丞相今王即位復攝政事時大賚
中外諸軍軍中有言不均者輒舉仗受賜諸將不能

制仲達論之因皆釋仗而致謝仲達性仁厚好施與
文穆九重之常止呼丞相而不呼其名終年六十二
贈謚曰安成是月納元妃仰氏乃寧國軍節度使同
也

甲辰開運元年春正月壬寅丞相林鼎卒鼎字渙文隱
隱鼎生於明州大隱村初刺史黃晟頗好禮士無
依之有詩名嘗為詩云雪消二月江湖潤花發千
道路香知言者以無隱必有貴子鼎初謁武肅以
觀察押衙推尋為文穆幕府文穆恠其才行累薦不
見用一日復密薦之武肅王曰我觀林鼎骨法真輔
相器然我不貴者欲汝貴之庶其盡心於汝也文穆
襲國署鎮海軍掌書記節度判官禹性謹正而強記
能書歐虞法比及中年夜讀書必達曙所聚圖書悉
由手抄其殘編蠹簡亦手綴之無所厭倦國建乃掌
教令尋拜丞相每正事即不逮者鼎必極言之天福
中建州之役鼎指陳天文人事累疏切諫及師謚曰
行果不利有著文集行於世終年五十四歲

貞獻三月偽閩王延曦為其下指揮使朱文進所弑
而文進自立復脩貢於京師是月勅授王落起復增
食邑三千戶實封一千戶夏四月丙午王親祀五廟
秋七月辛未朔晉少主改元開運大赦以城知遠為
行營都統九月朔日有蝕之南船務石井有物形如
守宮尾長七尺許鬣且角獲之置于安溪潭冬十一
月王命從兄東府安撫使仁俊為內外馬步都統軍
使弟弘保為東府安撫使閏十二月閩人殺朱文進
尋以僧儼明為主儼明姓車氏乃雪峯寺僧平素未
幾為其下李仁達所殺而自立歸歛金陵

乙開運二年春三月丙午王從祖順化軍節度使鐸
卒也生而有文在其足曰正及長而滅既生而太師
薨武肅育之武肅薨鐸請服通喪性多藝尤精音律
承制累授溫明二州刺史檢校太尉奏授思州防禦
使文穆時授兩浙行軍司馬拜命之日儀注時盛尋
奏改本州團練使順化軍節度使終年五十三歲
勅謚曰忠簡夏四月晉主還大梁秋七月修武肅王
廟於城西奉旃檀神像而致焉八月朔日有蝕之是
月金陵遣將王建封克建州虜王延政而歸冬十月
勅遣太子賓客羅周岳右庶子王延濟冊王守太尉
十一月朔王大閱于北郊是月誅內都監使杜昭達
內衙都指揮使明州刺史闕燾庶人孫本賜死貶都

統使王兄仁俊本府安置杜昭達闕燾皆好貨程昭
王昭悅得侍左右愛待踰於舊將燾不能平昭悅懼
謀去燾燾專而悞國人皆惡之王亦惡之於是昭悅
出燾為明州刺史右統軍使胡進思為湖州刺史燾
與進思曰出我是棄我也進思曰老兵得大州幸矣
何為不行乃各受命既而復留進思而統軍使王子
仁俊母乃杜昭達之姑也昭悅因譖燾昭達謀奉仁
俊作亂下獄鍛鍊成之誅昭達與燾幽仁俊於東府
昭悅收仁俊故吏慎溫其使證仁俊之罪拷掠備至
嘉其堅守不屈王
丙三年春二月朔日有蝕之三月勅授王東南面兵
馬都元帥增食邑二千戶實封五百戶仍改賜推誠
匡運忠亮威德功臣秋七月庚寅吳越國夫人許氏
薨夫人丹丘人也諱新月善音律文穆王後庭樂部
皆命掌之初鄺氏生孝獻世子立于後庭咸尊敬

之有尼契雲掌香火于麗春院之佛堂頗有知人之
鑒視夫人曰彼鄰氏者遠不能及至是果如其言至
王襲位遂勅封吳越國夫人薨年四十四歲勅謚曰仁慧八月重建天寵

堂是月壬申葬仁慧夫人于國城西山之原冬十月

金陵攻福州節度使李弘義遣客將徐仁宴李廷諤

等求救於王李弘義本名達殺車儼明而歸歎金陵

而遣偽兵部侍郎陳覺使于弘義還及建州又遣

侍衛官顧忠以金陵偽勅使之入覲弘義以其初不

宣命至是方以書至不從覺乃與監軍是月王命統

軍使張筠趙丞泰等率水陸兵三萬人以救蕪諸時

福州乞師於王王召諸將議行諸將吏皆曰道路險

遠難於師救內衙都監使水丘昭券以為當救王曰

唇亡齒寒吾為天下元帥曾不能救鄰道將安用之

諸軍直樂飽食安坐耶王乃命募兵無有應者王命

糾之曰糾而為兵者糧賜減半於是應募者雲集王

命昭券專掌用兵程昭悅掌應援饋運事而以軍謀

委元德昭乃遣筠等帥師救之時王召左右議鑄鐵

錢以益將士祿賜王弟弘億諫曰鑄鐵錢有八害新

錢既行舊錢皆流入鄰國一也可用於吾國不可用

於他國則商賈不行百貨不通二也銅禁至嚴民猶

盜鑄况家有錙釜野有鐔犁犯法必多三也閩人鑄

鐵錢而亂亡不足為法四也國用幸豐而自示空乏

五也祿賜有常而無故益之以啟無厭之心六也法變而弊不可遽復七也錢者國姓易之不祥八也王深嘉之乃止是行也宿衛衣錦軍武肅王廟廷者聞甲馬號令之聲凡數夕而止及接戰於閩淮入視王師周徧郊野人皆丈餘蓋乃陰兵之助也十二月王命弟弘堪為湖州刺史
丁未四年春正月天皇主入東京稱會同十年封晉少主為負義侯遷于契丹黃龍府二月有雉巢于玉華樓是月晉彭城知遠稱帝於河東國號大漢是為高祖復稱晉天福十二年是月王誅內都監使程昭悅釋

東府仁俊罪也三月庚寅今大元帥吳越國王諱

出鎮丹丘是月王遣將余安率水軍救福州大敗

淮師獲其將都指揮使楊匡業蔡遇等偽東南面行營都統王建封等走之擒戮裨將孟堅等并餘黨二

萬餘衆器械數十萬李弘義歸附於王更名孺贇初忠

懿王之治閩城壘甃皆有錢文曰此城終歸錢氏忠懿頗惡之因命剗去而錢文愈明又謠曰風吹楊葉鼓山下不得錢來戈不罷至是皆驗是行金陵歸罪於陳覺馮延魯謂其專命而行也金陵始以覺為東南面招討使延魯為監軍及其敗績反以專命為罪以贖所耻一何偷哉為君而偷復歸罪於下其喪師也不亦夏四月李孺贇遣弟孺賓來請入覲從之五宜乎
月我師凱旋王饗將帥于光冊堂賞賚有嘉是月勅

授王諸道兵馬都元帥增食邑五千戶實封五百戶
仍改賜資忠緯武恭懿翊戴功臣是月楚王希範殂
弟希廣嗣六月乙卯王薨于咸寧院之西堂年二十
在位七年勅謚曰忠獻八月勅葬龍山之西原
王英明果斷權變不測初嗣位尚少溫柔好禮恭
勤政務發擿姦伏人不敢欺諸校驕恣者能優容
之及被譴皆不知覺義兵籍使錢承德家火俯通
內城命親軍援之王登而望有伺便攘竊者亟命
斬之衆因悉力火遂滅淮人之攻聞也李孺贇來
求援諸將議將不從王因集而詢之果同其說王

變色曰啓亡齒寒春秋明義吾為天下元帥執大
兵柄豈不能恤鄰難乎乃命水丘昭券專掌用兵
程昭悅掌應援饋運而諸將躍馬肉食不能為我
身先即有異議者斬及大舉遣將誓師辭命明肅
衆皆踊躍承命既而果成大功開運中將益車徒
乃下命募軍中及民間子弟而踰時無應者乃命
大糾之令曰糾而得之者糧賜皆蠲半翌日投書
者雨集遂加精練南方之捷多其力也民有獻嘉
禾者王問倉吏蓄積幾何對曰十年王曰然則軍
食足矣可以寬吾民乃命有司復其境內租稅三

年...
論曰王岐嶷之姿雖由天縱續嗣之日方屬眇年
帑藏因回祿之初將校競陸梁之志故能恭勤庶
務紹開霸圖有果斷之名無酣嗜之累以至興復
公室開拓土疆光有大功聿脩厥德而享祚非永
孰不哀哉

忠遜王諱弘侔文穆王第七子孝獻世子同母弟也
起家內衙指揮使檢校司空開運元年冬十一月出
為東府安撫使累授檢校太尉尋拜丞相開運四年
六月丙寅即位于天冊堂是月晉主入大梁改號曰

漢秋七月閩帥李孺贊來觀是月庚子有雉升于天
冊堂之戟門旋歷廊廡久而獲之閏七月王命李孺
贊復任無諸王親餞于碧波亭八月葬忠獻王于國
城西原冬十月今大元帥吳越國王至自丹丘十二
月李孺贊復貳于我王命東南面安撫使鮑脩讓攻
討擒而戮之己酉傳首國城是月命丞相吳程知福
州威武軍事庚戌內衙統軍使胡進思指揮使諸溫
斜滔等以內衙兵遷王于義和後院諸將校率衆迎
今大元帥即位焉
自忠獻王時諸校驕慢雖屢加誅殛而在位者皆

優禮遇之及王纘嗣性既嚴急誅杭越侮法吏三
令人而統軍使胡進思恃迎立功干預政事王惡之
每有僭越必顯責讓進思頗憂懼不自安屬內衙
指揮使何承訓希旨請誅之又謀於都監使水丘
信昭券昭券以進思黨盛難制請於王且容之王猶
猶豫未決承訓亦懼反以謀告進思進思遂亂率親
兵戎服入見王叱之不退猝愕入義和院進思鎖
其門矯稱王命告中外曰王猝得風疾傳位于弘
俶因率諸將迎今大元帥於私第且言於丞相元
德昭德昭至立於簾下不拜曰俟見新君進思等
亟出褰簾德昭乃拜進思稱王命承制授元帥元
帥曰若全吾兄乃敢承命不然當避賢路進思承
之元帥始視事於是進思殺水丘昭券進思妻曰
他人可殺昭券正人君子也奈何殺之耳初遜王
將即位近侍陳禹嘗夢以金鈔鑼承日輪加遜王
之頂而手持二環未幾墜地既而以夢語人人曰
汝主將有非常之事然其二環不過二十旬耳及
即位又以黃金一鎰命近侍袁文昌鑄巨錢文昌
意其有所求識且懼不就乃宿謀於匠者別鑄一
以為備翌日以所授金鑄之遜王臨視果不就因

潜以宿鑄者獻至是皆驗其兆後廢王薨請謚曰忠遜以王禮葬會稽秦望山之原晉書論曰王以英敏之才惡強梁之黨納承訓阿順之說中進思廢立之機輕發寡謀至於失位故知君不密則失臣臣不密則失身誠哉斯言也猶賴鵠原之至愛致稽嶺之安居養王體以終天年掩泉扃而備王禮古之廢君失國未有若斯之安全者其實忠懿王之仁與孝為足多哉

吳越備史卷第三

吳越備史卷第四

武勝軍節度使掌書記范垌 武勝軍節度巡官林禹撰

今大元帥吳越國王

王名俶字文德文穆王第九子也母吳越國恭懿太夫人吳氏王以天成四年歲己丑八月二十五日生于功臣堂天福四年十二月承制授內衙諸軍指揮使檢校司空忠獻王累授王特進檢校太尉開運四年春三月庚寅出鎮丹丘即台州也下車數月有僧德韶語王曰此地非君為治之所當歸國城不然將不利矣王從其言即求歸秋九月甲戌發自丹丘歸覲也

是日大風東南有雲若樓閣之狀識者異之冬十二月內衙統軍使胡進思指揮使諸溫斜滔等幽廢王於義和後院乃召諸大校及諸率中外軍庶奉迎王於南邸晡時王見府僚將校於帥府之外簾謙讓者三諸將校以王素有德望俯伏稱賀即日王以鎮海鎮東等軍節度檢校太尉兼侍中蒞事于元帥府之南序也

戊乾祐元年春正月辛亥朔漢帝南郊大赦改元是月乙卯王即位于天寵堂赦境內租稅班賚有差天寵堂即忠獻王重建逮于廢王自前年季冬決于正旦不克遷徙至是而王臨位焉

陰晦彌月是日雲物澄霽中外人情胥悅壬戌遣將兵奉廢王子衣錦軍丙子漢主崩少主承祐即位二月辛卯王親祀五廟乙未誅內衙指揮使何承訓懲其反覆中外大悅初廢王將黜胡進思而承訓預其即位復請誅進思王事議未決承訓反告於進思及王懲其反覆立命斬之三月勅遣中書舍人張誼來歸忠獻王未幾內衙統軍使胡進思請誅廢王王不許於是進思憂懼而卒先是王遣都頭薛溫領親兵心衛護吾兄若有異事當死拒之至是進思請誅不遂乃詐以王命令薛溫害之溫曰僕受命之日不聞此言決不敢妄發也進思仍乃夜遣二賊踰垣而入欲刺廢王廢王聞戶大呼薛溫聞之率衆而入夜二鼓斃二賊于中庭至是進思聞夏四月大閱馬步六二賊死憂懼不二日發疽而死

月朔日有蝕之冬十一月下令以每歲租賦逋滯者悉蠲之仍歲為著令百姓歌舞焉

巳二年春二月匡武都連名輒舉求職王命斬狀首

二人坐黜者二十餘人餘宥之三月勅授王東南兵

馬都元帥鎮海鎮東等軍節度使浙江東西等道管

內觀察處置兼兩浙鹽鐵制置發運等使開府儀同

三司檢校太師兼中書令杭州越州大都督上柱國

吳越國王食邑一萬戶實封一千戶仍賜匡聖廣運

同德保定功臣夏四月太白晝見是月乙亥城西上

清宮災五月內衙指揮使斜滔以罪黜於處州六月

甲申日有蝕之秋七月朝廷命擒河中府李守貞初

貞之叛求援金陵偽齊王景達舉兵是月王命弟弘

應之未幾守貞就擒淮人壓境而退億為明州刺史冬十月勅遣散騎常侍張煦等持節

備禮冊王為吳越國王仍賜玉冊金印法物等

冊文曰維乾祐二年歲次乙酉十月庚午朔十九

日戊子皇帝若曰我先帝承有晉崩離之後醜虜

充斥毒螫中夏用順天致罰大拯黎元太阿一揮

胡馬宵遁享萬靈於無主解兆廢之倒懸較定世

勲以吳越居右伊朕眇末虔奉先訓嗣位之始即

酬懋功前命為元帥按地圖授武節東南之境得

行征伐命冊為真王駕大輅執桓圭牛斗之鄉盡
荒土宇詢于有位僉曰克諧咨爾匡聖廣運同德
保定功臣東南面兵馬都元帥鎮海鎮東等軍節
度使浙江東西道管内觀察處置兼兩浙鹽鐵制
置發運營田等使開府儀同三司檢校太師兼中
書令杭州越州大都督上柱國吳越國王食邑一
萬戶實封一千戶錢象緯炳靈公王襲慶橫
江負海者三千里開國承家者六十年而能望辰
極以駿奔奉天朝之師律克庭納貢則外府告盈
下瀨宣威則前茆獻捷忠信著於羣后禮讓行於

一方故玄冕九章為王之服昭其名也朱輪駟馬
為王之馭昭其器也而又三吳百越列土分疆有
民人焉有社稷焉恢祖禰之令圖實典禮之鉅著
勸夫忠孝以御邦家今遣正議大夫守右散騎常
侍上柱國賜紫金魚袋張煦左補闕崔頌持節備
禮冊爾為吳越國王於戲品秩甚尊名數尤重肅
廣庭而備物練吉日以覃恩爾其正厥位事大以
敬教民以順馭衆以恩神其福之禮曰惟王建國
諸侯所以守舊邦書曰惟帝念功王者於是出好
爵任我堯緒永為漢藩浙江如帶稽山如礪福祿

無窮貽厥百世汝往欽哉對揚我休命

是月內衙指揮使諸溫以罪黜于温州是歲下令以

境內田畝荒廢者縱民耕之公不加賦時王募民墾荒田勿取其

租稅由是境內并無棄田或有請糾遺荒田勿取其

丁以增賦王命杖之國門民皆大悅

庚三年春二月金陵以偽永安軍節度使查文徽取

福州遣劍州刺史陳誨泉州刺史劉從効率兵犯我

無諸王命指揮使潘審燔率師禦之遂生擒查文徽

及行軍判官楊文憲等三十餘人斬馘萬計陳誨留

從効等走之初福人為帥文徽信之乃遣陳誨率水軍

遣兵數百出迎文徽而誨諫曰閩人多詐未可圖也

宜立寨徐徐圖之文徽曰疑則生變不若乘機據其
城乃引兵徑進誨整眾鳴鼓還于江湄吳程與潘審
燔等勒兵大擊賊大敗之遂執文徽等士卒是月甲
午吳越國丞相中書令鄖國公杜建徽卒謚曰威烈

建徽字延光新城縣人也祖仲明不任累贈水部員
外郎父稜贊忠去偽功臣兩浙行軍司馬鎮海軍節
度副使常潤二州刺史初八都建稜率鄉黨以武安

為號時武肅王輔董唐人起石鏡鎮旋平婁漢宏功
業寢盛稜謂諸子曰吾每責人不過十罰則為之傷
心而觀錢公每有斬決皆談笑自若成大事者是人

薛朗平之遂為常州尋遷潤州乾寧中安仁義適東
陽命稜率師討平之及武肅王以宣州降卒隸中軍
號武勇都前鋒左右皆無賴稜常患之乃密疏曰狼
子野心觀武勇將士終非大王所蓄願以士人代之
武肅王不聽及徐綰叛命使祭之旌其先見徽即稜
署軍州少強勇不與諸弟類嘗於山莊構小茆齋輒私

責徽對曰大丈夫何止一軍事押衙耶始從軍無事
人之志及稜歸武肅王乃從父命而盡心於我稜在
常州為淮人登所逼徽自馳赴南軍中嚴整無改稜尤
率所部還新登及稜自淮歸軍中不披靡所至輒立
稱之徽累征伐皆單入陣賊眾無不披靡所至輒立
大功軍中謂之虎子乾寧初從征董庶人射中敵
徽亦能戰開平中與武肅王弟鐸率師救姑蘇與敵
遇因逼河梁上斷乃鞭馬徑渡及岸馬斃遂瘞之
號曰馬塚守禦時賊將聚焚北門徽自新登以本部
赴難因命守禦時賊將聚焚北門徽自新登以本部
其木先焚之遂不聚賊計遂罷此有勸王東保會
稽徽按劍曰事苟不得濟當同死于罷此有勸王東保會
與賊耳武肅王納之睦州陳詢之貳我東渡亦售命
詢自貽覆族之禍徽既姻姆義當見疑然累書以諭
義皇天后土苟或見照則拔城獲書至武肅王嘉嘆
有睦州廳吏來降持徽所遺詢書至武肅王嘉嘆
之賜徽錢一百萬徽兄建思嘗諧徽于武肅王言其第
中蓄兵仗將為不顧使還言于武肅王使者強抵
徽卧內徽但食不願使還言于武肅王使者強抵

加殊待及構第於城南王親與規畫徽性儉朴出入
導從不過數人凡財物多散鄉里親屬武肅王每會
人必指之曰此杜丞相今日塵忝多其力也忠獻王
時其孫昭達為內衙都監使盛治第宅強徽觀之曰
乳臭兒不諳事乃爾後昭達果以罪誅徽及春秋高
尚能騎射嘗從擊毬于廣場與酣有宿中箭鏃自臂
中飛出人皆壯之徽為詩自叙曰中劍斫耳缺被箭
射牌過為將須有膽有膽即無價初稜將亡散家財
與諸子惟徽但受一笏稜曰此吾歷任所秉者惟汝
能傳之徽歷官自武安都將國子祭酒至涇源昭化
等軍節度使累官吳越國丞相兼中書令封鄖國公
皆自國初至忠獻王以來奏授也凡子弟孫姪多連
姻公室朱紫車馬克溢門庭有國
以來莫比其盛卒年八十八歲
三月勅授王守尚
書令增食邑二千戶實封五百戶夏四月王以查文
徽等獻于五廟國人為之聳觀雖眾而獻俘之禮至
是始是月丙午王親享五廟六月勅授王兄東府安
備

撫使弘儼知福州威勝軍事秋七月命弟弘億為東
府安撫使冬十月王歸查文徽于金陵十一月朔日
有蝕之是月漢少主遇弒是歲潭帥馬希廣為兄朗
帥希萼導金陵以將邊鎬守之馬氏悉遷馬氏之族
於金陵殺楚王而自立是月漢太后臨朝
辛亥廣順元年春正月周太祖即位大赦改元廣順漢
太后遷居西宮三月制授王諸道兵馬都元帥加食
邑一千戶實封三百戶仍降尚書令冊禮夏四月王
奉廢王居東府即越地王築宮室治園圃花卉山石
池塘亭苑奉廢王日娛悅之歲時供
饋甚加夏六月丙午武勝清海等軍節度使王世父
厚焉

元懿薨追謚曰宣惠以其子仁倣嗣
元懿字秉徽武
李氏懿有燕頤之相起家鎮海軍右直都知兵馬使
尋授安國衣錦軍防遏指揮使累授檢校兵部尚書
懿性至孝而純直其母嘗侍武肅王指不稱旨被
捶自是成疾每疾發侍婢多厭倦惟懿不離左右雖
糞溷亦親侍之常在衣錦城出遊諸野遇菖蒲花尋
收之新定一日閭里間輒數處火起當火災皆如其
楊韞因之遂興妖言曰某日某處火起當火災皆如其
言民由是競禱之懿謂左右曰火復當言巫為火也
宜新殺之以息其奸於是命斬韞於市遂絕貞明中
自新定判東陽之南有白砂起過郡人畏而奉之
每歲三月有東風雨自白砂起過郡人畏而奉之
龍每歲一月復東海為怪廬舍及懿臨郡夢衣
言曰白砂王奉啟相國今以他適將由郡城且慮驚
駭已由南山而去翌日風雨果如之懿每飲酒及
遊宴而飾之事文穆王因襲國禮敬尤篤懿前意成
其事懿自是遂改累奏授賓睦二州刺史清海武勝
等軍節度使太傅同中書門下平章事金華郡王終

年六十六在郡三十年初懿為新定有卜士方氏時
人號龜精常數下以遺懿曰太乙接天河金華寶貝
多郡侯六十六別處不是月命復王兄仁俊官爵
經過至是果如其言
壬二年春二月制授王天下兵馬元帥增食邑二千
戶實封五百戶改賜推誠保德安邦致理忠正功臣
夏四月朔日有蝕之勅衢州刺史王叔元瓚知福州
威勝軍事王弟弘倓為衢州刺史六月乙未王妣吳
越國順德太夫人吳氏薨追謚曰恭懿夫人錢塘人諱漢月中直
指揮使吳珂女也幼而婉淑奉文穆王時恭穆夫人
尤寵愛之夫人善胡琴性慈慧而節儉頗尚黃老學
居常被道士服餘皆布絹而已每聞王決斷政事有
及重刑者夫人常輦蹇以仁恕為言諸吳將有遷授
皆峻阻之及其入對多加訓勵有過失者必面責之
故諸吳終夫人之世不甚驕恣勅封吳越國順德夫

人薨年秋八月勅葬恭懿夫人於錢塘慈雲嶺之西

原九月甲寅朔丞相裴堅卒謚曰文憲堅字廷實吳興人父光庭

累官至中書令有術士張景歲能言休咎以紙大書

台字以遺光庭不旬日果貶台州刺史大有政聲堅

幼明敏善屬文及長有知人之鑒事吳越國有善政

條教有方累官禮部尚書中書令拜吳越國丞相終

年五冬十月朗州指揮使彭言姓犯武肅王舉兵逐

邊鎬克復湖南獻捷于朝廷朝廷以為武平節度制

置武安等軍事因遷湖南節制府于朗州
癸三年春二月湖州所隸建州降卒鄭懷嵩等十一
人以刺史散香于資福寺遂率其黨二百餘人作亂
即日盡誅之三月勅授王起復鎮東大將軍左金吾

衛上將軍員外置同正員王以兄弘儼為温州刺史
夏四月建報恩元教寺于城北薦王妣也王親閱內
外諸軍非驍勇皆停放之冬十月大閱馬步軍樓艦
於碧波亭十一月命弟弘仰為台州刺史十二月湖
南王達舉兵執朗州彭城言囚之朝廷尋授王達湖南
節制是歲東陽有犬象自南方來陷陂湖而獲之境
內大旱民有鬻男女者命出粟帛贖之歸其父母仍
命所在開倉賑卹

甲寅顯德元年春正月丙子朔周主祀圜丘改元是月
周太祖崩晉王即位是為世宗夏五月王命鑄王妣

恭懿太夫人銅容二致於奉國金地二尼寺秋七月
勅遣使加授王天下兵馬都元帥仍賜金印冬十一
月勅遣進奏使章思忠歸諭機事航艦不利思忠溺

焉是月漢主殂子鈞立

乙卯二年春二月朔日有蝕之三月制加王食邑一千

戶實封四百戶夏四月庚子王親祀五廟秋七月庚
午有虹入天長樓樓在內城之東王避寢于思忠堂九月王

復于天寵堂閏十月丁酉世子惟濟生冬十月勅遣

司空李穀率師伐金陵十二月王遣使入貢勅王出

兵會擊金陵是月王師渡淮

丙三年春正月車駕東征詔王以國兵分路進討是月南擊場門樓火金陵李景僭稱唐皇帝致書于京師仍令僞皇太弟璲致書于統帥李穀又遣僞宰相孫晟等入貢二月王師入淮南靜海軍制置使姚彥洪率家屬軍士戶口等一萬餘人奔于王是月王命丞相吳程前衢州刺史鮑脩讓等攻毘陵命都指揮使路彥銖等伐宣城命都指揮使羅晟等督水師次江陰以應我師也既而勅遣殿直薛有光來軍諭仍賜沿身衣冠法物三月我師克常州生擒刺史趙澤偏將諸承向重霸等一百餘人遂班師時營田副使陳滿言於丞

相吳程曰周師南征舉國驚擾常州無備易取也吳程如其言請於王從之丞相元德昭上曰唐大國未可輕舉也若我入唐而周師不至能無慮乎吳程固爭王遂遣程取常州也

是月金陵遣僞燕王弘冀服據淮南王命從弟蘇州刺史文奉為應援都統使屯于本州備徵發夏五月建州刺史陳誨以小船沿溪而下福州指揮使馬進姚章等執於賊未幾陳誨亦宵遁是月車駕還京六月王命兄仁俊復知福州彰武軍事秋九月癸卯王親閱于龍山教場冬十月駕親征壽春是歲始括境內民丁益師旅也

丁巳四年春正月始議鑄錢三月我師大敗淮人於壽

春夏四月宣諭使薛有光從航海歸于京師是月周
主還大梁秋七月王命弟弘信為衢州刺史八月勅
遣諫議大夫尹日就至賜王生辰御服紅袍二副冬
十一月駕復東征是月泉州刺史彭城從効請修貢于
京師附我以聞詔從之

戊午五年春正月丁未前衢州刺史王弟弘偓卒偓字贊堯
文穆王第十二子也母陳氏偓性仁慈事母以恭勤
聞及為信郡時屬歲旱部民將逐食於他郡民不忍
別偓俱詣郡廳告白而去偓為之流涕其為政寬恕
厚重王加友愛尤篤及卒中外無不嘆惜終年二十
五二月王師復維揚勅遣殿直趙誨來宣諭仍出舳
舻于瓜步迎鑿長風涉等處王師欲濟江乃命上直

都指揮使邵可遷路彥銖等率艦四百艘水師二萬
以會之江北諸郡悉平三月王不康是月勅命翰林
學士都承旨陶穀司天監趙修已賜王羊馬橐駝每
歲班賜自此始也是月金陵李景復稱江南國主遣
僞臨汝郡公徐遼宰相馮延巳奉表稱臣於行在初
金陵之將內附也王亦飛書以諭之既而景等亦附我也王亦以誠款聞詔從之
王師乃罷夏四月辛酉城南火延于內城王出居都
城驛詰旦煙焰未息將焚鎮國倉王親率左右至瑞
石山命酒以祝之曰不穀不德天降之灾宮室已矣
而倉廩儲積蓋師旅之備實所痛惜若盡焚之民命

安仰天其鑒之乃命從官伐林木以絕其勢火遂滅
即日王見丞相以下罪已之不暇且曰吾旬月所苦
尤至而災釁之餘遂覺康裕中外聞之頓安是月王
命弟弘儀復為東府安撫使是月勅遣天下都軍頭
周廣來宣諭仍賜卻可遷等及將士衣服有差五月
朔日有蝕之唐主去帝號奉周正朔六月戊寅前台
州刺史王弟弘仰卒詔追謚曰成顯仰文穆王第十
三子也母周氏
仰性嚴急善騎射通儒術能書寫及為郡吏民畏服
性雖嚴急而政事寬簡有異政無私曲而民畏愛終
年二秋八月勅遣閣門使曹彬賜王兵甲旗幟等是
月乙巳王遷于思政堂是月南漢主殂子鋹嗣

巳六年春二月王遣丞相元德昭寧國軍節度使吳
延福入貢京師夏四月駕親征幽并是月勅陞湖州
為宣德軍授王兄弘堪特進檢校太尉克本軍節度
使五月熒惑守心六月周世宗崩少主即位秋八月
制加王食邑一千戶實封四百戶仍改賜崇仁昭德
宣忠保慶扶天翊亮功臣又勅王元妃孫氏為吳越
國賢德夫人王世子惟濟為鎮海鎮東等軍節度副
使檢校太保冬十月王重建功臣堂
庚建隆元年春正月癸巳今大宋皇帝受禪大赦改
元封周少主為梁王勅遣使來宣諭二月王但用今

名避廟諱也三月建大慶堂成王舊邸也

堂廣寬高大凡一百

間與然新之王命新

勒碑文以紀其事夏四月勅授王天下兵馬大元

帥加食邑一千戶實封五百戶五月昭義軍節度使

李筠叛是月駕親征六月勅加吳越國賢德夫人吳

氏為賢德順穆夫人又授兩軍節度副使王世子惟

濬金紫光祿大夫檢校太保克節度使又勅陞明州

為奉國軍授王弟弘億金紫光祿大夫檢校太保克

本軍節度使秋七月潞州平勅遣通事舍人武懷節

來宣諭九月揚州節度使李重進叛車駕東征王以

寧國軍節度王舅吳延福等有罪並除名配外郡

延福

等兄弟五人俱有異圖左右將校勸王誅之王曰吾

以先太夫人同氣之故安忍置之於法言訖遂嗚咽

垂涕眾皆稱賀於是黜延福是月王遣上直都指揮

使孫承佑率師至潤以迎應之冬十一月揚州平勅

遣通事舍人王繼筠丁德裕來宣諭仍賜國信是月

又勅遣西上閣門副使武懷節來宣諭王命衢州刺

史從弟弘信入貢自太祖革命王有貢奉即加常數

太祖禮之亦異於常十二月駕還京是月王遷于功

臣堂不雨王命辛酉二年春二月江南國主李景遷國于豫章三月勅

遣使丁德裕送王弟弘信回仍賜王戰馬二百疋羊

五百口駝二十頭夏六月豫章李景殂子煜嗣位於金陵秋七月昭憲皇后遣使來宣告境內自五月至是月不雨王命取龍湫于天台山以祈雨九月始摧酤冬十二月王命弟弘信復為衢州刺史

壬戌三年春二月勅遣右殿直王耆來宣諭仍賜國信

夏五月東陽信安新定三郡民災王遣使賑卹秋七

月大風拔木八月泉州彭城從効為大將張漢思所弑

漢思自稱權知清源軍事九月庚戌夜本境地地震響

如雷冬十月勅遣上殿直景德倫授兩鎮節度王世

子惟濬為邕州建武軍節度使是月勅遣西上閣門

副使武懷節至朝廷以泉州張漢思不稟朝命俾王責之翌日王遣使往責之漢思遂從命焉

癸亥四年春三月朔日有蝕之是月王師盡取荆湘之

地初番禺衡州刺史張文表侵湖南朝荆帥高繼冲

潭帥周保權並入于京師夏四月泉州張漢思為西

門指揮使陳洪進所幽洪進歸命于王王請命於朝

遂授洪進平海軍節度使檢校太傅秋九月重建天

寵堂是月王閱樓船于西湖賜內外將校服帶有差

冬十月獲巨魚於江壩長九丈六尺十一月太祖有

事南郊大赦改元乾德勅遣引進使丁德裕來宣諭

仍加王食邑一千戶實封四百戶改賜承家保國宣
德守道忠貞恭順功臣又加建武軍節度使王世子
惟濬檢校太尉十二月孝明皇后崩勅遣使來宣告
是月王命姪昱入貢是月王命姪郁為秀州刺史
甲子乾德二年春正月大雨震雷二月朔日有蝕之三
月制王落起復天下兵馬都元帥加食邑一千戶實
封四百戶夏四月重建城南寶塔寺成鑄武肅王文
穆王忠獻王銅容供於寺秋八月王命迎釋迦佛像
歸于塔所是月王駕復天寵堂謂丞相已下曰頃以
寡德遂貽災釁曾未十年中外如斯實宗廟之休爾

等之力然作之者勞吾不敢忘更賴爾等以副不逮
丞相已下咸稱大慶冬十一月王師伐蜀王命親從
都指揮使行軍司馬孫承祐等率師會焉

丑三年春正月西川平蜀主孟昶入于京師二月朔
日有蝕之王命姪台州刺史昱入賀秋七月有虎出
於龍山凡傷數十人捕之數旬而獲八月重建寶塔
寺于城北是月勅遣通事舍人張延通來宣諭仍賜
生辰禮物甲寅吳越國丞相吳程卒追謚曰忠烈
程字
正臣山陰人也祖可信定州虞唐縣令父蛭大順中
登進士解褐榜官鎮東軍節度掌書記右拾遺累官
禮部尚書程起家校書郎武肅王丞制累授檢校戶
部員外郎借緹長興初王女將選婚于士族乃以孟

榮于葆暨程等三人見于王庭武肅王熟視程乃選
之起家校書郎遷檢校金部郎中借金紫武肅王以
程有吏術因命觀察支使節度判官天福中王襲國
為職方郎中觀程察支使節度判官天福中王襲國
事尋拜丞相福州李孺賚伏誅授程威武軍節度使
乾祐三年淮人福州李孺賚伏誅授程威武軍節度使
紛然不可過程因登檻甲於將卒而將卒充溢庭庶
政嚴肅程始在東越以父陰不事苦學有謂程曰觀
子骨法不與群儒類但有恨他日登將相不長談論
程遂勤學文穆王時有西府院官滕相嘗夢程化為
赤龍望南方而去馮州始驗其兆尋以國用繁廣乃命
我龍所測也及為馮州始驗其兆尋以國用繁廣乃命
程兼掌屯田推酌事乾德初程夢一羽人布策于前
曰計字之筭而所遺者三果三載而卒年七十三歲
冬十一月王命從叔前知福州彰武軍事元瓚為睦
州刺史姪昱復為台州刺史

丙寅四年春二月宣德軍節度使同平章事王兄弘傑
卒追謚曰恭堪字惠達文穆王第八子也母陳氏

空年十八出為湖州刺史有妖巫登衙門大樹恣為
鬼神語州人皆驚畏傑曰妖由人興乃命注弩而射
之巫果請命因鞭之州人咸服傑明吏術能為詩頗
有奇句王嗣位恭敬尤篤顯德中王城災術悉以器用
服玩上之累奏授特進檢校太尉宣德軍節度使建
隆初勅授同中書門下平章事終年三十八先是大
星隕於西北月

丁卯五年春三月五星聚奎如連珠在降婁之是月建

武軍節度使檢校太尉王子惟濬入貢而還齋賜吳

越國賢德順穆夫人珠翠冠帔等冬十月王又遣元

帥府掌書記黃夷簡入貢是月勅遣使至賜王生辰

禮物

戊辰六年春正月皇帝郊禋禮畢大赦改元開寶秋七月北漢主殂養子繼思嗣九月漢將侯霸榮弒其主而以繼元嗣是月勅遣使至賜王生辰禮物是月開寶二年春正月制加王食邑三千戶實封六百戶是月遼主明宸嗣位秋八月勅遣使至賜王生辰禮物并御衣紅袍一副金鎖甲一副及駝馬一百頭庚午三年春三月王親享五廟秋九月王遣子惟濬入貢是月詔王出師伐富州王將起師尋以路遠詔止之

辛未四年秋九月勅遣使賜王生辰禮物衣冠劍佩等冬十一月皇帝南郊制加王食邑二千戶實封六百戶仍改賜開吳鎮海崇文耀武宣德守道功臣壬申五年春三月建武軍節度使檢校太尉王世子惟濬貢奉歸又齋賜吳越國賢德順穆夫人珠翠冠帔各一副秋九月王遣元帥府掌書記黃夷簡入貢太祖謂夷簡曰汝歸語元帥當訓練兵甲江南倔強不來朝我將討之元帥當助我無信人言唇亡齒寒王密表謝且請師期冬十月王親享五廟復謁寶塔寺拜先王銅容十二月彰武軍節度使睦州刺史王叔

元瓚卒瓚少強直好詩學武及長從征有功屢授是任比在王麾下畏服嚴明無有敢犯者處兄

弟雖各守郡軍中未嘗有相逆詐侍文穆及王亦盡臣禮如此上下和睦卒年六十七歲

癸酉六年秋八月勅遣使賜王王帶一條御衣一襲及

生辰禮物冬十一月二日大雪雪氣如煙南則不

甲戌七年夏五月勅遣進奏使錢文贄賜王襲衣玉帶

玉鞍勒馬各一事金器二百兩銀器三千兩錦繡一

千段秋七月勅詔王取常州

詔曰勅錢朕統御萬邦撫臨兆庶推至誠而待

物期率土以歸心布惠行仁是予本志興師動衆

非我願為惟彼江南言修臣禮又被撫綏之化頗

傾依附之心貢封章則惟見恭勤脩外貌則多從

減降既云事大每欲包荒甘言嘗信其赤心內稔

豈疑其奸計而又叠傾誠款願降冊封既禮分之

未虧故我心之無間使人頻至詞旨逾專是以特

降近臣俾其畧來赴闕頒宣優厚恩禮殊隆何期

終日包藏一旦彰露不惟多方託故懇避來朝而

乃脩葺城池選練軍旅教習戰陣抽點鄉兵為捍

拒之計謀作攻守之準備朝廷養寇垂二十年心

狠貌恭突然自敗向展為臣之禮適茲觀釁之方

每云傾輸盡彰狡詐既行問罪須至興師今者禁

衛出兵雲臺選將尅期攻取直抵昇州卿任重統
我心專盜寇况早者曾披章奏具述事宜今驗姦
克果符陳請開茲討伐必罄忠塵今候丁德裕到
彼住三五日可部領軍士起發且往攻取常州毘
倚之懷寤寐無已故茲詔示想宜知悉

是月王密遣行軍司馬孫承祐入奏機事九月孫承
祐自朝京齎密詔回師期定矣王即日命境內訓練
士卒揀閱兵甲是月勅遣內客使丁德裕賜王生辰
禮物冬十月勅授王東南面招討制置使仍賜御劍
一口御甲一副金鞍御馬一疋仍命丁德裕為行營

兵馬都監又以雲騎雄捷等指揮步兵凡千人輔王
進攻常州是月庚申王親率鎮國鎮武親從上直等
都指揮使王諤等五萬餘人發自國城丁德裕為先
鋒使是日天氣晴和風色便順癸亥次嘉禾有氣黑
色形如覆舟當行府之上占者曰王氣也丙寅王率
諸軍入毗陵前鋒所至賊望風而遁有獲巨龜於旌
門之下占者曰玄武之應也戊辰王次毘陵遂克關
城常人以牙城自守王命營于九仙墩命親從指揮
使凌超等分營四門命鎮國都指揮使王諤攻江陰
鎮武都指揮使金彥滔攻宜興並率水艦由吳興出

太湖而進十一月詔遣弓箭庫使王文寶來宣諭仍賜湯藥以金盒盛封至是月王遷行府于賊城南門金彥滔克宜興獲其令尉等官士卒凡二百五十人馬八十疋王即命金彥滔獻于京師十二月癸亥王親率軍將攻拔利城寨殺賊軍二千餘人生擒六百餘人辛未又敗賊萬餘人於城北金陵大將盧絳宵遁先是城中既危金陵遣大將盧絳僅以身免翌日王命鈐轄使沈承禮等並告于京師

乙亥八年春二月詔遣內直使陳理來宣諭仍以戎服五萬副賜王軍卒又賜王將帥服帶器帛有差是月

王親帥大軍攻其壘不克夏四月我師復大攻城壘時僞知常州軍州事禹萬誠遣觀察使推官鄭簡降款于軍門且請命焉王從其請禹萬誠等詣行府待罪王賜衣冠器幣等悉送于京師以請命又命羊酒置其家以安慰之一日江陰寧遠等軍沿江石橋等寨軍兵來降王悉宥之是月勅遣使來宣諭授王守太師加食邑六千戶實封九首戶仍賜湯藥及沿身法物等五月詔客省使丁德裕權知常州仍又遣勅上侍禁李輝賜王襲衣玉帶玉鞍勒馬各一事金器二千兩銀器一萬兩錦綵一萬段詔王歸國是月王

遣兩浙諸軍都鈐轄使沈承禮等攻金陵仍表上之
詔書褒獎焉先是毘陵來降士卒凡三千餘人至是悉分還本部冬十一月我

師克金陵僞主李煜出降是日冬至軍中皆會飲承禮謂諸將士曰城中以我

節序必有燕享備我急矣我當直出其不意以圖之
乃召勇敢士卒以火攻焚其城及城陷其東門士則

賈勇攀壘以上我師觀之遂復是月王乃表賀之王
攻其南而李煜危迫遂出降焉

復遣大將孫承祐上表請入覲十二月王克金陵有
功勅遣東頭供奉官徐靖齋賜王綵錦八對御衣一

副金盃一項金甲一副御酒一百瓶駝馬三百疋仍

賜御劄一通褒焉又賜王麾下孫承祐為平江軍節

度使沈承禮為寧海軍節度使又賜為防禦使者三

人為刺史者六人賞克金陵之功也是月詔許王入

覲焉

勅錢省所差鎮東軍支使王通今月二十八日

走馬到闕奏今月十五日僞命知常州禹萬誠等

歸附巴安撫城中事具悉卿位高王霸天付將材

林門專衛社之勲世著勤王之節一昨親提銳旅取

彼堅城勢孤而既絕援兵力盡而遂輸降欵遽歷

古寒暄之候遂成克復之功永增史冊之光輝實協

王君親之任委其為嘉賞不捨寐興故茲獎諭想宜

詳知悉

詳知悉

丙子九年春正月庚申王發自國城先是太祖皇帝因王入覲勅遣供奉官張福貴淮南轉運使

彭德言開城

古河一道自瓜洲口至潤州江口達龍舟堰以待王

舟楫

其堰遂名曰大通堰

又於京城之南勅建大第連亘數坊

棟宇宏麗儲峙什物供帳之類皆供御賜名曰禮賢宅以俟王駐節焉二月辛丑王次寶應勅遣引進使翟守素至賜王湯藥以金盒盛之又賜金鞍轡馬二疋仍押御厨儀鸞翰林皆至焉甲辰王次泗州勅遣內臣至賜馬三百匹馳一百頭以載行李辛亥又遣內司賓泊內臣至賜王夫人孫氏湯藥二金盒法酒

五十瓶茶果五十合是日次近畿皇帝詔山南東道節度使興元尹皇子秦王德昭迎勞仍賜法酒一百瓶果子一百盒翌日王至京師詔興元尹賜宴於迎春苑尋詔王居禮賢宅並以賜焉王未至之先太祖親幸其宅閱視恩禮如此戊午王朝見于崇德殿進賀平江南及允朝覲表貢奉犀玉帶及寶玉金器五千餘事上酒一千瓶遂賜宴于長春殿席就幄次賜金照匣金沙鑪及瓶盤等皆御物也己未王進謝詔宴于後苑丙寅駕幸禮賢宅賜金二千兩銀三萬兩絹二萬疋又賜王世子建武軍節度使惟濬及陪臣

通儒學士崔仁冀等絹帛有差是日王遣世子又進通犀帶二條金玉寶器五千事三月制賜王劍履上殿詔書不名進封王夫人孫氏為吳越國王妃封王女為彭城郡君仍詔內臣賜王妃湯藥法酒茶果等五百餘事翌日宰臣上言異姓諸侯王無封妻為妃之典上曰行自我朝蓋旌忠賢何必古也時又詔王宴於苑中獨太宗秦王侍坐酒酣上命與太宗秦王叙昆仲之禮王叩頭陳讓再四翌日太祖將幸洛陽詔王歸國王懇請隨駕詔不許惟留王子惟濟從行是月王奉辭詔遣賜金器二千兩銀器一萬兩銀三

萬兩對衣玉束帶玉鞍轡御馬一疋細馬五疋綾羅段錦共八萬疋戎裝器八百事散馬一百疋衙隊腰帶絡縫衫等二千事又賜王麾下將帥等官錢帛有差太祖謂王曰南北風土炎暑不同宜加調護卿可早歸又親賜密封黃綾包袱一封謂曰卿至途中宜密視之王涕泣進言願三歲一朝上曰川陸迂遠當俟我詔旨即來次日王妃入辭中宮賜金器三百兩衣着二千疋銀二千兩是月甲戌王離京師詔秦王賜宴於迎春院勅遣引進使翟守素押翰林御厨儀鸞送至睢陽次日又遣入內小底承駟至賜王湯藥

二金盒王妃湯藥一金盒戊子王在舟中再拜密開
所賜黃袱視之俱是羣臣乞留王章疏也王既入朝文武群臣

屢上疏諫乞留王在朝免歸國恐王有異圖太祖知王忠厚謹慎小心畏敬固不允及王起行時密以賜焉太祖寬宏大度夏四月丙辰王至自國城丙寅王恩禮愈深如此

命子惟治詣闕謝恩即日王視事移座于東偏謂左右曰西北者神京所在天威不遠顏咫尺豈敢寧居

乎五月太祖郊畢制加王食邑三千戶實封一千戶秋八月勅遣進奏使任知果至賜國信及生辰禮物

冬十月太祖宴駕太宗即位大赦改元太平興國勅詔以封命勅王以廷美為開封尹封齊王德昭為武

功郡王德芳為興元尹又勅遣侍御史雷德驤來告哀王率府僚將校等發哀王二日不食十一日不視

事十一月王遣元帥府衙內都指揮使王子惟渲齎通天犀帶一條金器五百事玳瑁器五百事塗金銀

香龍等巨萬詣闕以為賀禮是月勅遣樞密都承旨武珍制加王食邑五千戶實封一千戶仍賜龜魚寶

帶襲衣等是月六日日吳越國王妃孫氏薨

丁丑太平興國二年春二月勅遣給事中程羽來歸王妃之賙謚王妃曰王

夏五月王下令以文軌大同封疆無患凡百禦敵之制悉命除之境内諸州城有

白露屋及防城物亦令徹去之秋八月詔遣翰林學士都承旨李昉賜王生辰禮物是月王遣兩軍節度使世子惟濬入朝脩覲禮也

戊寅三年春二月六日王發國城三月二日次揚州勅遣閣門使梁迥內班閣承翰來賜王湯藥茶酒及押諸司官迎接七日次洪澤驛勅遣供奉官李思彥至賜王湯藥一金盒玉鞍轡馬一疋散馬三十疋玳瑁戎毛暖衣等物及賜從行將校有差十五日王次宿州又遣入內小底副行首蔡守恩齋詔至仍賜王龍茶三斤以金盒盛之御酒二十瓶荔枝鶯梨石榴共

六百顆以銀裝籠子盛封十七日王次永城時太宗勅遣王世子兩軍節度使惟濬迎候以內班李神祐領翰林儀鸞御厨諸司隨世子至賜御筵一席是日王遣平江節度使孫承祐先齋表詣闕陳謝是月二十三日王次陳留孫承祐復自京至傳宣撫問二更閣門使梁迥又至復傳宣撫問二十四日王至京師勅詔皇太弟開封尹廷美賜宴于迎春苑仍遣賜王對衣八事玉排方腰帶金器一千兩銀器一萬兩細衣三千疋玉鞍轡馬一疋是日王安居于禮賢宅二十一日朝見于崇德殿謝恩及謝差親王迎接賜宴

于長春殿王進上法酒五百瓶金銀器物三千兩綾
錦一萬龍鳳香等二萬翌日遣使賜王生料羊二百
口法酒三百瓶粳米二百石雜買錢一萬緡草料柴
炭稱是又賜從行將校等官錢三萬緡二十九日遣
內司賓來賜果子三十盒法酒一百瓶蒸羊食物等
十匱三十日詔王宴于後苑王復進寶王金銀酒器
等三千兩通犀帶一條龍鳳龜魚帶六事時太宗命
射每中的者即進金銀器三百兩太宗中的者六夏
四月八日詔王宴于崇德殿二十三日宴王于後苑
二十六日詔王宴于南郊御莊王又上酒器金銀器

皿等共二千餘兩王酒酣至暮而歸第次日遣內司
賓賜王御衣紅袍一副綵衣六事實帶一條金銀酒
器三千兩細馬四疋御馬一疋儀鸞一副是日王進
拜表謝恩仍請以吳越封疆歸于有司
曰伏有慷慨誠貯于肺腑幸因入覲輒敢上言蓋虞
二神道之害盈必冀天時之從欲臣近蒙賜以劔履
上殿詔書不名仍以本道領募卒徒嘗營戈甲特
建國王之號俾增師律之嚴皆所以假其寵名詭
於鄰敵方今輻員無外名數洞分豈可冒居自罹
公議合從省罷以正等威除本道軍士甲器已曾

奏納外所有封吳越國王及天下兵馬大元帥職
名並乞解罷凡頒詔命悉願名呼庶聖朝無虛授
之恩微臣免疾顛之禍
優詔不允五月三日遣內使賜王湯藥四金盒金器
二百兩銀三千兩次日王再上言
曰臣慶遇承平之運遠修肆覲之儀宸眷彌隆寵
章皆極斗筭之量實覺滿盈丹赤之誠輒茲披露
臣伏念祖世以來親提義旅尊戴中京畧有兩浙
之土田討平四方之僭逆此際蓋隔朝天之路莫
諧請吏之心然而稟號令於闕廷保封疆於邊徼

家世承襲已及百年今者幸遇皇帝陛下嗣守丕
基削平諸夏凡在幅員之內悉歸輿地之圖獨臣
一邦僻在江表職貢雖陳於外府版籍未歸於有
司尚令吳越之民猶隔陶唐之化太陽委照不及
十部家春雷發聲尚為聾俗則臣實使之然也罪莫
大焉不勝大願願以所部十三州獻于下執事其
間地里名數別具條析以聞伏望陛下念奕世之
忠勤察乃心之傾向特降明詔允茲至誠
是月六日乃下詔
詔曰卿世濟忠貞志遵憲度承百年之堂構有千

里之江山自朕纂臨來脩覲禮觀文物之全盛嘉
書軌之混同願親日月之光遽忘江海之志甲兵
艘艚既悉上於有司山川田土又盡獻於天府舉
宗效順前代所無書之簡編永彰忠烈所請宜依
於是所部州十三縣八十六戶五十五萬七百兵一
十一萬五千暨民籍倉庫盡獻於朝帝御崇元殿受
之是日王麾下將佐軍校聞勅陞揚州為淮海國制
王依前守太師尚書令兼中書改封王為淮海國王
食邑一萬戶實封一千戶克天下兵馬大元帥仍改
賜寧淮鎮海崇文耀武宣德守道功臣以王弟弘儀

為觀察使弘信為觀察使又以兩鎮節度檢校太尉
兼侍中王世子惟濬為淮南節度使惟治為節度使
十三日賜王淮海國王金印一面仍賜禮賢宅為永
業十五日又授王子惟演惟灝及未官者子弟并麾
下將校孫承祐沈承禮並為節度使等官有差又賜
賓幕宰相而下拜官者又二千五百人二十三日詔
王宴于長春殿至暮歸第六月四日詔王宴于後苑
命世子惟濬侍坐泛舟于宮池十五日遣入內小底
賜王湯藥四金盒對衣四事八寶玉帶二條法酒一
百瓶二十四日詔王宴於御莊秋七月命京城張燈

於王宅第前後賜設燈山陳聲樂以寵之十八日詔
王宴於崇德殿命王卅子惟濟侍坐焉二十六日遣
使至王第慰問仍賜茶藥一金盒八月六日詔王總
麻以上親並赴闕授以官爵九日命以杭州伶人馬
迎恩等四十五人賜王俾旦夕宴樂有差十四日詔
王宴于後苑泛遊宮池二十四日遣內使賜王生辰
禮物九月九日詔王大宴于長春殿歡樂終日二十
日王忽染風疾太宗傳宣旦夕遣使撫問二十五日
又遣內司賓賜王茶果湯藥等冬十月七日王進朝
謝賜宴于後苑十一月朔太宗南郊禮畢詔加王食

邑二千戶實封一百戶十二月八日遣使賜王蒸羊
食物茶果等共十二匱法酒一百瓶二十五日詔王
宴于長春殿至暮歸第時輟御前二大燭送焉

卯四年春二月朔日王進朝賀大宴于苑中太宗顧
王甚厚飲必命醕王大醉及罷拜不能興太宗仍以
金裝擔子送王歸第仍以賜之是月車駕征太原王
請從行翌日詔中使別押諸司供帳御厨從王太宗
每旦夕傳宣撫諭錫賚殆無虛日王小心謹慎每晨
趨行闕必先至宮門假寢以待旦一日夜漏四鼓清
蹕啟行時風雨大作諸節鎮無一人至者太宗見王

與惟濬世子稱歎久之謂王曰卿以中年宜避風冷
自今入見不須太早仍輟御前四大燭賜焉又召王
旦夕宴飲一日中頓賜王從官酒食及賜衛士羊肩
卮酒觀其飲啖太宗見其雄壯因顧王王進曰正所
謂如虎如貌如熊如羆上大悅翌日會劉繼元降上
御連城臺誅軍中先亡命于太原者時大臣皆侍坐
太宗顧謂王曰卿能保全一方以歸於我兵不血刃
深可嘉也王稽顙陳謝仍賜紅袍一副玉鞍轡馬一
疋細馬二疋又賜世子惟濬細馬一疋綵衣一副秋
七月車駕凱旋大行封賞中書進擬加王食邑一萬

戶實封一千戶以麻卷入御筆改增加王二萬戶實
封二千戶是月二十六日王進朝賀進金銀器三千
兩錦綺二百疋即宴王于苑中又命王世子惟濬侍
坐八月二十四日遣中使賜王生辰禮物冬十月六
日遣內使賜王法酒二百瓶御食八匱十一月十二
日宴王于長春殿十二月十九日詔王宴于崇德殿
酒酣至暮歸第
庚辰五年春正月太宗御朝元殿受朝賀時王以劍履
升殿觀者榮之三月清明節太宗召王御大明殿乘
馬擊毬凡五籌仍以毬杖引毬以授王俾王擊之是

日宴于殿廡飲必唱籌顧謂王曰卿中年宜以此娛
況今清明令節宜加衛護王稽顙陳謝夏四月一日
王以風疾告假遣御醫中使一日三至第仍賜湯藥
茶果間日一至其恩禮如此六月三日車駕親幸禮
賢宅撫慰再四仍賜金器一千兩錢一萬索銀一萬
兩綾絹一萬疋王遣子惟治進謝秋八月十一日車
駕又臨撫慰親賜湯藥二金盒二十三日遣中使賜
王生辰禮物九月十一日王進朝謝于崇德殿復上
金裝定器二千事水晶瑪瑙寶裝器皿二十事珊瑚
樹一株冬十月二十一日詔王宴于朝元殿至暮又

以金裝肩輿送王歸第仍以賜焉又以御前二大燭
前導十一月戊午駕幸大明府王請從駕詔許賜王
肩輿從行七日太宗獵于城之東時風寒頗嚴令中
使傳宣俾王先回是月二十日車駕還京

辛巳六年春正月王風恙復作遣尚醫中使絡繹而至
自是賜王免朝二月太宗南郊禮畢制加王食邑一
萬戶實封一千戶夏五月王尚在風疾遣中使以紫
白水晶碁子盛以金合雜寶文楸碁枰賜王且諭云
朕萬機之暇頗曾留意卿疾未痊宜用此自怡一日
內臣趙海嘗被酒詣王府第將吏以為傳詔者亟稟

于王即進寢室見之海因問王疾恙何如王曰足疾
已久沉痾今又加之風眩海探懷中出藥百粒以奉
王時王方命茶盡餌之諸子孫及左右惶懼憂駭計
無所出海既去家人皆泣盖有所疑也王笑曰主上
待我甚厚中貴必良藥也翌日太宗聞之大驚即遣
中使撫慰乃杖海脊二十桎梏坐海於王第門者三
日然後流於海島王遣世子惟濬陳謝太宗撫問久
之又賜湯藥一金盒六月十一日王復貢黃金三千
兩白金二萬兩秋八月二十四日遣內使賜王生辰
禮物翌日駕幸禮賢宅王疾尚未痊出迎拜不能興

太宗親曳之撫問再四王侍坐進茶太宗仍賜細茶
果二十盒祛風法酒二十瓶又賜王子以下絹帛有
差冬十月一日王朝謝于文德殿太宗大悅携手撫
問良久遂賜宴于長春殿謂王曰卿恙稍可天氣嚴
寒宜避風冷自後免入朝王稽顙陳謝十二月三日
遣中使賜獸炭一千担柴米稱是
壬七年春三月太宗貶秦王廷美為西京留守夏四
月王風疾復發太宗遣中使慰問賜王湯藥一金盒
又遣入內小底以龍鳳簫笛娛王終日秋八月二十
四日遣中使賜王生辰禮物翌日王遣子惟灝進謝

貢金銀器皿五千兩冬十二月朔日有蝕之
癸八年春正月十三日遣中使賜王珍珠寶燈一座
未仍命坊市張燈于王第前後俾王怡悅三月三日詔
加王食邑二千戶實封五百戶夏五月遣內使賜王
珍珠黃羅傘一龍香涼茶二十斤秋八月二十三日
遣使賜王生辰禮物翌日王遣世子惟濬貢上白龍
腦香一百斤金銀陶器五百事銀二萬兩黃金一千
兩冬十一月王以天下無事兵革偃息乃讓大元帥
及國封表上但許罷兵柄其國封如故仍加王食邑
三千戶實封五百戶十二月六日遣中使賜御筵一

席以儀鸞迎送王第近代無比

甲雍熙元年春二月二日上幸太乙宮路由禮賢宅
申王力疾出見於道旁上駐輦撫諭至於再三及駕還
命取他路還遣中使諭王恐煩迎接徑由他路歸矣
太宗寵愛愈隆夏四月十三日遣中使賜湯藥二金
盒秋八月二十三日遣中使賜王生辰禮物冬十月
華山陳搏號希夷先生謁王王問先生得養生玄默
之道搏曰山野之人何知神仙黃白之術也十二月
十一日太宗郊禋禮畢進封王為漢南國王加食邑
二千戶實封四百戶仍改賜寧海鎮國崇文耀武宣

德守道功臣

四百字

乙酉二年春正月太宗以王善於草隸遣中使取王草

書筆迹王以風恙手不能握筆命將往時所書絹圖

草字遣世子惟濬同中使以進下詔獎諭仍賜金匣

玉硯一副龍鳳墨一百銚紅綠筆一千管盈文紙二

百軸細白絹三百疋幕府宰相洎朝中大臣文士撰

恩賜漢南王金匣玉硯詩文進上觀覽命黃絹圖本

遣使賜王夏四月召王宴于後苑帝曰春氣暄和萬

物暢茂四海安寧朕當以天下之樂為樂宜令賞花

賦詩也五月駕幸禮賢宅撫慰久之又命王取平日

所書隸書觀者太宗大悅收取數幅翌日遣中使賜

王御筆一百枝龍墨二十銚紅袍一副秋八月二十

三日遣中使賜王生辰禮物九月九日召王扶疾宴

于崇德殿是日楚王元佐廢為庶人

元佐太宗長子也聰敏鍾愛之

因力救秦王廷美貶不解遂發狂會重九宴諸王元

佐疾未差不預召遂恚曰是棄我也乃夜縱火燒其

宮太宗怒冬十月遣內使賜王夫人龍鳳珠冠一頂

金三百兩銀二千兩十一月十五日遣中使賜王幕

府將校幣帛又加授王子惟治等九人官爵有差

丙戌四年春二月太宗以王疾未痊詔免入朝改封南

陽國王仍賜領南陽節鉞加食邑二千戶實封一千

戶麻降王復抗表陳讓國事表四上夏四月王將赴南陽詔免入辭賜御衣一副襲衣玉束帶一條金器一千兩玉石器四百事銀器一萬兩仍詔山南東道節度使惟濬送王至尉氏縣詔雍州團練使王子惟渲韶州刺史王子惟灝並從王行是月二十六日王發京師詔遣中使賜御酒二百瓶龍茶二百斤櫻桃二金盒仍遣中使押翰林儀鸞御厨送王五月王遣子惟灝詣闕謝恩貢上鰲山寶樹一座紫金絲帶一條金銀器四共一萬兩太宗撫問再四六月太宗命韶州刺史王子惟灝歸加王食邑五千戶實封

三百戶仍賜國信湯藥二金盒各重六十兩茶餅二十匱寶帶一條金器一千兩銀裝器皿稱是又賜王子惟灝銀二百兩秋八月王不康勅遣東頭供奉官高品尚醫李密并王孫相繼而至又遣中使王首宿至賜王生辰禮物仍令撫問冬十月王拜表謝賀丁亥四年春二月勅遣給事中崔灝改封王為許王加食邑一萬戶實封二千戶仍改賜安時鎮國崇文耀武宣德守道功臣之百職以爲實封四月太宗命王子端拱元年春正月太宗籍田大赦改元二月勅遣中使進王為鄧王加食邑一萬戶實封三千戶三月

王遣子惟治表賀貢上金飾玳瑁器皿五百事玉器二十事水晶盤四事金二千兩銀二萬兩錦綺二萬疋羊二百口法酒二百瓶以為賀夏四月太宗命王子惟治歸賜王御羅袍一副玉帶一條碼碯嵌珍珠酒器八對又輟御前金燭臺一對以賜焉秋七月王復不康太宗聞之勅遣中使王守文翰林醫官王佑洎王諸孫駱驛而至仍又勅遣供奉官詔加王食邑三萬戶實封五千戶仍賜撫問及齋御藥盛一金盒八月王疾稍痊遣子團練使惟渲詣闕謝恩貢上黃犀帶一條大玉帶四條金飾酒器一千事黃絹草書

八幅隸書四幅太宗撫問再四是月勅遣皇城使李惠河州團練使王繼恩同王子惟渲賜王生辰禮物國信至王扶疾拜命與來使燕接極歡二十三日晡時王於寢齋之西軒命左右讀唐書數篇又命諸子孫誦詞章詩什數篇未訖忽風恙復作四鼓而薨是夕大流星墜于正寢之上光燭滿庭王以天咸四年八月二十四日四鼓而生復以端拱元年八月二十四日四鼓而薨以生記薨實治周一甲子即日王繼恩先還京報訃太宗聞之哀悼不已詔廢朝七日復勅王繼恩押入內班賈繼勳護喪歸于京師冬十月二十四日王喪發南陽十一月二十二日至京師太宗

復發哀詔權窆于城東別墅即日命有司致祭翌日遣中使齎御筵一席致獻于王喪次前二十五日太宗御文德殿命工部侍郎郭贄追冊為秦國王太常定謚曰忠懿二十八日復遣工部侍郎郭贄致祭于喪次十二月十八日遣中使獻茶湯于喪次二年春正月丁酉日遣使押翰林儀鸞鹵簿鼓吹葬王于河南府洛陽縣賢相里陶公原命大臣以下俱素服送三十里仍命有司撰碑文

王任太師尚書令兼中書令在位凡四十年窮極富貴福履之盛近代無比王性儉素自奉尤薄常服大帛之衣帷帳裯褥皆用紫絕食不多味稟性謙和未嘗忤物在藩日每有朝廷使至接奉勤厚進貢之物製作精妙將遣使必列陳于庭北向焚香再拜而遣之其廢王之廢也國人既立王時大將胡進思因請殺廢王以絕患王泣曰若殺兄而代有其位吾不忍也汝若欲行其志吾當避賢路進思惶懼而退王慮進思終欲害廢王乃密遣親將薛溫守衛不旬餘進思果遣二卒持刃踰垣而入廢王闔戶拒之叫呼達於外溫率卒入而斃賊于庭進思聞之憂懼發疽而死屢有獻此謀者王

皆拒之尋奉廢王子越之西寢供給飲食皆與王同廢王嘗於山亭擊鼓聲聞于外守衛者遽以聞王王曰吾兄以閑適爲懷非鼓不樂乃命裝金魚水鼓四面奉之國人聞之感王孝友如此有出涕者由是廢王無幽廢之恨終以疾卒太平興國中趙普再入相盧多遜罷爲兵部尚書一日普召王世子惟濬至謂曰朝廷知盧多遜求取元帥財物極多今未鞠劾者恐累元帥耳請具所遺之物列狀上之惟濬歸而白王玉曰主上英明凡大臣有過即自行何用狀上惟濬懼普因請賓僚將吏再

三堅請曰若不疾言事恐不測王曰汝姑休矣我當取案籍考視之於時盡取當時文帳命火焚之即召惟濬等至謂曰我入朝之初荷蒙主上殊常之遇故左右大臣咸有饋物非獨盧相也豈可見人將溺而加石焉汝等少年慎勿爲此禍福我自當之惟濬等惕懼而退普聞之召惟濬至深自嘆稱曰王寬宏大度事遂寢王崇奉釋氏在國中飯僧億萬建造寺院凡三百所博覽經史在風疾中手不釋卷平生好吟咏在國中編三百餘篇目曰正本集國相元德昭翰林學士陶穀皆撰集序後

文僖公搜尋遺墜摠集為十卷撰後序行於世時
天禧四年文僖公忝機衡之命特詔尊王為尚父
王自國初供奉之數無復文案今不得而書惟太
祖太宗兩朝入貢記之頗備謂之貢奉錄今取其
大者如赭黃犀帶龍鳳龜魚仙人鰲山寶樹等通
犀帶凡七十餘條皆希世之寶也玉帶二十四紫
金獅子帶一黃金九萬五千餘兩銀一百一十萬
二千餘兩綾羅錦綺二十八萬餘疋色絹七十九
萬七千餘疋金飾玳瑁器一千五百餘事水晶碼
碯玉器凡四十餘事珊瑚樹一高三尺五寸金銀

飾陶器一十四萬餘事金銀飾龍鳳船舫二百艘
銀裝器械七十萬事白龍腦二百餘斤王自入朝
至歸國復入朝太祖太宗所賜金器并金物六萬
四千七百餘兩銀器四十萬八千八百餘兩玉石
器四一萬七千事寶玉帶四十二條錦綺羅純一
十六萬六千三百餘疋御衣并袍襲衣等

金盈六項甲六副金玉鞍轡御馬一十六疋細
馬四十八疋馳三百餘疋散馬二千七百二十疋
金印四顆玉冊二御劔三口法酒三千餘瓶衙墜
腰帶三千事鳳冠四頂羊果稱是

